



EM

Churchill

V I T A
SS. PATRIARCHAE
ROMVALDI
CAMALDVLENSIVM
FVNDATORIS

Per Sanctum Petrum Damianum descripta.

BIBLIOTHECA NAZ.
ROMA
VITTORIO EMANUELE



ROMAE, Typis Michaelis Herculis. 1666
SUPERIORVM PERMISSV.
Sumptibus Bartholomeus Lupardus.

*Imprimatur, Si calculetur Reuerendiss. Patr.
Mag. Sac. Palat. Apost.
O. Archiep. Patrac. Vicesg.*



*Iterum P. imprimatur
Fr. Hyacinthus Libellus Magist. Sacr. Palat.
Apostol.*

*Imprimatur, Si calculetur Reuerendiss. Patr.
Mag. Sac. Palat. Apost.
O. Archiep. Patrac. Vicesg.*

EMINENTISS. ET REVERENDISS. D.

D. CAESARI

S. R. E. TITVLI S. IOANNIS

Ante Portam Latinam

PRAESBYTERO CARDINALI


RASPONO

BARTHOLOMAEVS LVPARDVS F.



*Su receptū est Emin. Princeps,
ut recens euectos ad Romanam
purpuram, cū ceteris officijs,
tūm xenys, & muneribus nouo
fastigio cōueniētibus amici, & cliētes paulò
interiores colant; ut olim Persarum Reges
sine exceptione temporis, ac negotiorum ab
adeuntibus promiscuè colebantur. Quem
quidem morem à me seruari pro dignitate,
si pretio certare velim, nec amplissima tua
fortuna, neq; angusta domi res mea patiun-
tur; quid enim opera pretium fecero, quam-
uis fortunas meas omnes ad te donandum
effudero? Itaq; opem mihi ab artificio meo
petendam duxi, ut aliquo libello veteris me-
moriam, typis, me curante, renouato, cuius
lectiōe maximè delectarere te donarē. Nec*

*Imprimatur, Si videbuntur Reuerendis. Patr.
Mag. Sac. Palat. Apost.
O. Archiep. Patrac. Vicesg.*



*Iterum Imprimatur
Fr. Hyacinthus Libellus Magist. Sac. Palat.
Apostol.*

*LOHSE, Typ. Michaelis, 1800
BIBLIOTHECA
Bibliotheca*

EMINENTISS. ET REVERENDISS. D.

D. CAESARI

S. R. E. TITVLI S. IOANNIS

Ante Portam Latinam

PRAESBYTERO CARDINALI

RASPONO

BARTHOLOMAEVS LVPARDVS F.



*Su receptū est Emin. Princeps,
ut recens euectos ad Romanam
purpuram, cū ceteris officijs,
tū xenys, & muneribus nouo
fastigio cōueniētibus amici, & cliētes paulò
interiores colant; ut olim Persarum Reges
sine exceptione temporis, ac negotiorum ab
adeuntibus promiscuè colebantur. Quem
quidem morem à me seruari pro dignitate,
si pretio certare velim, nec amplissima tua
fortuna, neq; angustae domus meae patiun-
tur; quid enim opera pretium fecero, quam-
uis fortunas meas omnes ad te donandum
effundero? Itaq; opem mihi ab artificio meo
petendam duxi, ut aliquo libello veteris me-
moriae, typis, me curante, renouato, cuius
lectiōe maximè delectarere te donarē. Nec*

diū dubitavi quem auctorem, aut quod argumentum potissimum deligerem, cū statim in mentem venisset opus aureum de vita & rebus gestis Sāctissimi Anachoretæ Romualdi ciuis tui, scriptum à ciue item tuo Petro Damiani viro ætatis suæ longè clarissimo, sanctissimoq, eiusdem verò amplissimi ordinis, ad quem tu nuper adiunctus es, cuius splendorem, ac decus sexcētesimum post annum Rauenna tuæ restituis. Vtriusq; autem vestrū virtute & gloria prouisum est, ne Urbem inter Italicas splendidissimam, & Romanorum Imperatorum olim domicilium fortuna in hac re suæ magnopere pāniteret, nec esset quòd cæteris Urbibus frequentiorē tanti honoris fructum inuideret. Et illum quidem olim cælo receptum plena laudum eius Ecclesiæ monumenta, & Bibliothecæ doctissimis, & sanctissimis eius lucubrationibus referta loquuntur, ac supernacaneam omninò faciunt orationem meam. De te autem etiamnū superstite, ac materiam felici posterorum stylo cum maximè præbente, quamobrē tam magnificè sentiam pluribus exequerer. Emin. Princeps, nisi vereretur ne mihi succenseret modestia tua, & tam insolens ad audiendas, quàm strenuus ad prome-

rendas laudes animus. Vt autem paucis re-
expediam, missum facio, quod cum olim ad
hoc fastigium dignitatis vulgi te rumores,
& prudentissimi cuiusq. iudicia destina-
sent, iniecta est diuino, ut arbitror, consilio
incrementis fortuna tua mora, cuius bene-
ficio, quae data generis tui amplitudini vi-
deri poterat, virtuti reddita esse liqueret, ac-
cederetq; gloria tua, quod nequaquam sine
sudore, ac puluere ferres hanc palmam. Ac-
cepisti siquidem honorem purpure post gra-
uissimam Reipublica partem egregie gestam,
sumamq; in administratione publica seueri-
tatis non modo iustitia & abstinentia, sed etiam
lenitati laudem adeptam: post nauatam la-
boriosam, & plenam discriminis operam in
expediendis sapientissimis Alexandri Prin-
cipis consilijs, ad auertendam pestilentiae vim,
quorum ope factum est, ut monstrum illud
omnium perniciosissimum in Vrbe, & parte
Italiae, quae in Ecclesia ditione est, luisse pro-
pemodum visum sit, praecladibus aliarum Ci-
uitatum, & Gentium, quas tum illa calamitas
attigit: post deteras animis offensiones, &
pristinam gratiam restitutam inter Sanctis-
simum Pontificem, & maximum, potentiissi-
mumq; Regem, susceptis in eam rem asperis
& lon.

& longinquis itineribus, & innumeris difficultatibus dexteritate, & consilij praesentia superatis. Quod sanè inceptū (quo rei Christianae salus, & securitas agebatur) ut ex sententia tibi succederet, quae vota non fecimus, quibus aris non supplicauimus, quibus autem te plausibus, atq; praeconijs ex He-
thruria, confecto tandem negotio, reuertentem non excepimus? Missa haec, ut dixi, facio, cum & à meo proposito remota sint, nec ulli, qui in te intueatur non obuia; illam virtutis tuae partem sine piaculo tacitus praeterire non possum, quae huic meo munusculo pretium, vel maximū facit, immotā inquā animi tranquillitatem, & studium otij non inglorij, ac solitudinis in media hominū & negotiorum frequentia usurpandae; cū exemplo Magni Africani inieris rationem saepe subducendi te multitudini, & rerum turbis, & intra temet recipiendi, animumq; sapientiae praecipis, & rerum celestium meditatione aduersus fortune vim, & vitiorum illecebras muniendi. Quod sanè animi tui bonum quoties apud me reputo astus omnes curarū, & aulae strepitū, & fori iurgia, quae alij vel obruendo satis essent, non plus tibi exhibere negotij animaduerto, quàm maris

uentorūque vim ingenti alicui nauigio, & aquali cursu iter susceptū persequēti, & minutos circa se lēbos laborātes, & naufragio proximos praterenti. An ignotos mihi esse putas generosos illos mētis Dei charitate flagrantis excursus à te subinde in secessu tuo Lateranensi editos, & scripto consignatos quæ ego scripta cū legerem, nequaquam hominem occupatum, & humanis distensū curis, sed veterem quempiam Nitriæ Thebearumq; siluariū incolā vigilijs, & ieiunijs confectū cogitabam; eminebat siquidem in verbis, atq; sententijs imago quædam simplicitatis verè Christiana, & animi honestissimis cogitationibus exerciti, in unū Deū intenti, sui securi, & humanā præclare despicientis. Ipsū genus orationis, quo illic uteris promptū, ac profluens, plenū dignitatis, plenū fidei, ut non os loqui, neq; digiti scribere, sed pectus ipsum suorū recessuū impatens foras erumpere, & splendidum sui spectaculū præbere videatur. Quàm angusta specie animo meo occurrebas, cū tuis ipse laudibus Christiana modestia studio apud te ipsū obtrectares: cū in vitam, moresq; tuos verbis seuerissimis animaduertes: cū res tuas pro Republica gestas à te penitus abiu-

dicares, & ad unū Deū referres auctorem,
nec ullū laborū tuorū premiū, quā rectā
conscientiā, & Dei gloriā tibi proponeres: cū
rumores purpure tue constantia, grauitate,
& pari in vtramq; fortunā tenore consiliorū
te munires, Superosq; omnes precareris, ne
aut negatus honos demitteret, aut delatus
plus equo efferret animū tuū! In hoc pro-
posito, ut ad finē vsq; perseucres principū
(si bene te noui) studiū tibi erit, intentēq; vi-
gilabis, ut quomodo aduersa saepe fortuna ab
officio te grauis, & sapientis viri non abdu-
xit, ita (quod difficilius est) secunda indulgē-
tia non abducatur. Quā ad rem saepe ex te au-
diui cū diceres necessariā tibi diuinā opē à
librorum doctrina, & pietate praestantiū le-
ctiōne petendā esse, & quātum in meo mini-
sterio instruendae Bibliothecae tuae intelligere
potui, non alio genere literarū impensius te
gaudentem cognoui, eòq; pro certò habeo in-
cundissimū tibi fore munus hoc meū. Vtque
patriae tuae amantiſſimus es assiduē verba, &
exēpla clarissimorū tuorū ciuiū, quae illo cō-
tinenti, animo, & cogitatione versabis; me
autem clientem deditissimum tibi, & gratia
immortalibus tuis erga me beneficijs refrē-
da studiosissimum spero existimabis.

VITA



V I T A E

S. ROMVALDI
ABB. ET CONF.

PROLOGVS.



DVERSVM te prorsus, im-
munde munde, conquerimur,
quia habes intollerabilem stul-
torum sapientium turbam tibi
facundam, Deo mutam. Ha-
bes, qui per vanam eloquentiam, & ina-
nem Philosophiam se sciunt in superbiae
cornibus arroganter extollere: non habes
qui pro futurum, aliquid ædificationi pro-
ximorum, ad posterorum velit memoriam
schedulis annotare. Habes, inquam, qui
in prætorijs Iudicium negotiorum sæcula-
rium lites, & causarum iurgia continuis
valeant declamationibus perorare: non.

autem habes, qui possit in Sancta Ecclesia, vel vnus Sanctorum virtutes, & clara gesta describere. Sapientes siquidem sunt, vt faciant mala, bona autem facere nesciunt. Ecce enim tria iam fere lustra transacta sunt, ex quo Beatus Romualdus deposito carnis onere ad ætherea Regna migravit, & nemo adhuc ex huiusmodi sapientibus extitit, qui de tot mirabilis vite eius præconijs pauca saltem historico stylo digereret, & audissimæ deuotioni fidelium satisfaciens, ad communem utilitatem recitanda Legitimo sanctæ Ecclesiæ tradidisset. Nobis autem in angusto cellule angulo residentibus, vtilius erat, sicut proposuimus propria peccata ad mentis oculos assidue reuocare, quam alienæ virtutis historiam texere, magis expedire commissi reatus tenebras plangere, quam splendida sanctitatis insignia imperitis sermonibus offuscare. Veruntamen cum ad sepulchrum eius ex longinquis terrarum partibus toto anno, maximeque in eius festiuitate fidelium multitudo conueniat, miracula per eum diuinitus facta conspiciat, audite vite eius historiam desiderabiliter quærat, sed vtpote, quæ non sit, audite non valeat; non irrationabiliter pertimescimus, ne celeberrima eius fama, quæ adhuc populi totius ore depromitur, libente circulo temporis

porum, de memoria hominum penitus deleatur. Quapropter hoc timere compulsus, multorum fratrum precibus, & germana, charitate deuinctus, quod de prædicto mirabili Viro ab egregijs eius discipulis didici, aggrediar, Deo auctore, describere, viteque eius initium, cursum, & finem, nimirum imperitus homo, non historiam texens, sed quoddam quasi breue commo- nitorium faciens, quibuscumque tentabo litterarum apicibus exarare. Hoc autem vnum in primis lectorem meum nosse desidero, quia non multa per eum facta miracula in hac ego descriptiuncula colligam, sed potius quod ad ædificationem omnimodis attinet, conseruationis eius ordinem referre contendam. Beatus siquidem Vir in tantum se humilitatis tegmine à vento vanæ gloriæ custodiuit, quod vnde cumque humanis oculis videri mirabilis potuit, studiosissima occultatione suppressit. Quæ tamen miracula etiam si minime fecisset, mirabilem vitam ducens, minori veneratione dignus non esset. Neque enim Præcursor Domini fecisse miracula legitur, quo maiorem nullum inter natos mulierum surrexisse, Veritas ipsa testatur. Nonnulli enim Deo se deferre extimant, si in extollendis Sanctorum virtutibus mendacium fingant. Hi nimirum ignorantes Deum nostro non

egere mendacio, relicta veritate, quæ ipse est, , falsitatis ei putant se placere posse commento. Quos bene Hieremias redarguit, dicens: Docuerunt linguas suas loqui mendacium, vt iniquè agerent, laborauerunt. Qui enim vltro oblatam simplicem veritatem referre facillè poterant, in componendis, quæ nesciunt, casso labore defudant: & quo se pro Deo stare quasi adiutores autumant, eo vt re vera falsi testes contra Deum pertinaciter pugnant; Apostolo Corinthiis attestante, qui ait: Si Christus non resurrexit, inanis est prædicatio nostra, inanis est Fides vestra: deinde subiungit: Inuenimur falsi testes Dei, quoniam diximus testimonium aduersus Deum, qui suscitauit Christum, quem non suscitauerit. Sed quia necessitate ad scribendum coacti, velut commoti ista præmisimus, iam precibus eius de quo loquimur, Deo opitulante, ad narrationis ordinem veniamus.



V I T A

S. ROMVALDI

ABB. ET CONF.

Causa conuersionis S. Romualdi.

C A P. I.



OMVALDVS igitur Rauennæ
ciuitatis oriundus, ex illustrissi-
ma Ducum fuit stirpe progeni-
tus. Qui cum iam in adole-
scentiam peruenisset, cœpit in
peccato carnis procliuis existere, quo vide-
licet vitio illa ætas impugnare homines
præsertim diuites, yehementius solet. Men-
te tamen Deo deuotus, frequenter se ten-
tabat erigere, facturumque se magnum ali-
quid proponebat. Nam, & si quando se

ad studium vanationis accingeret, vbi-
cunque per silvas amenum locum reperi-
re poterat, mox se ad eremi desiderium
eius animus accendebat, dicens intra se:
O quam benè poterant Eremitæ in his ne-
morum recessibus habitare! quam con-
grue possent hic ab omni sæcularis strepitus
perturbatione quiescere! Et ita mens eius
cælitus inspirata, iam diuinabatur in amo-
re, quod impleturus erat postmodum
opere.

Huic erat pater, nomine Sergius, mun-
do vehementer intentus, & omnino sæcu-
laribus negocijs implicatus. Qui dum ad-
uersus quemdam propinquum suum exor-
tis simultatibus pro possessione prati inimi-
citas exerceret, videns filium suum Ro-
mualdum in contentione mollescere, cri-
menque fratricidij medullitus formidare,
rainari cœpit exhæredem facere, si in ca-
dem diutius sententia permaneret. Quid
plura? Tandem utræque inimicantium
partes ex Vrbe ad litis materiam prouunt
arma corripunt, bellum sociale commit-
tunt: & dum cominus hic inde pugnatur,
repente manu Sergij inimicus, & affinis
occiditur. Romualdus autem licet nullum
perempto vulnus infligerit, quia tamen
interfuit, penitentiam tanti reatus accepit,
moxque ad Classense monasterium Beati

Appollinaris, more homicidarum diebus
quadraginta permansurus in luctibus pro-
peravit. *Ad hunc usque diem in eadem*
urbem, etiam hunc Appollinaris in iudicio
ipsa conuersio, & quia corpus Beati
Appollinaris sine dubio in Classensium
monasterio iaceat.

Ad hunc usque diem in eadem
urbem, etiam hunc Appollinaris in iudicio
ipsa conuersio, & quia corpus Beati
Appollinaris sine dubio in Classensium
monasterio iaceat.

Ilic autem districta se penitentia iugiter
maçerans, cepit cum quodam Con-
uerso quotidianum habere colloquium, a
quo etiam iuxta mediocritatem sensus, bo-
næ exhortationis audiebat sæpe consilium.
Quem cum Conuersus frequenter admo-
neret, sæcularem vitam omnino postpo-
nere, & ad sanctæ conuersationis ordinem
festinare, sed ad hoc mentem eius humilia-
re nullatenus posset, aliquando inter cetera
velut gratulabundus intulit, dicens: Si tibi,
inquit, ego B. Appollinarem corporali spe-
cie, ita ut eum manifeste videre possis,
ostendero, quid à te præmii reportabo? Ad
hæc Romualdus, firma, inquit, & inui-
olabili me obligatione constringo, quia
mox, ut Beatum Martyrem videro, apud
sæculum ulterius non manebo. Hortatur
ergo, Conuersus, ut ipsa nocte Romual-
dus dormire postponeret, & una secum,

intra Ecclesiam in orationibus vigilaret. Cumque nocturno silentio longanimiter ambo in oratione persisterent, ecce circa gallicinium noctis B. Apollinaris, his duobus manifeste videntibus, exiit de sub altari, quod in medio Ecclesiæ ad honorem Beatæ Virginis Mariæ cernitur esse constructum. Visus est autem exire ab orientali parte, illinc videlicet, vbi marmor porphyreticum iacet. Confestim vero tantus splendor totam repleuit Ecclesiam, ac si Sol fulgoris sui radios intra ipsos parietes cohiberet. Tunc beatissimus Martyr sacerdotalibus infulis mirabiliter exornatus, aureum in manu portans thuribulum, cuncta Ecclesiæ incensauit altaria, & hoc facto, statim vnde exierat, rediit, & mox omnis illè splendor eum prosequens, apparere cessauit.

Coepit itaque Conuersus Romualdo durus nimirum exactor vehementer insistere, & vt impleret, quod vltro promiserat, anxie postulare. Cumque Romualdus adhuc resisteret, & eandem visionem cernere denuò flagitaret, alia nocte similiter in oratione persistunt, & beatum Martyrem per omnia, sicut prius, aspiciunt. Vnde etiam postmodum si de corpore prædicti Martyris aliquando quæstio oriretur, Romualdus penitus affirmabat in ipsa Ecclesia

clesia esse reconditū: & quamdiu Vir sanctus
vixit hoc proferre testimonium non cessauit

Habebat quoque Romualdus consuetudi-
nem ante præcipuum altare Ecclesiæ ora-
tioni frequenter incumbere, ibique post-
quam fratres abscederent, multis Deum
satagebat gemitibus exorare. Dumque
hoc quodam die post visionem attentius
faceret, tanto mox diuini amoris igne
mentem illius Spiritus Sanctus accendit, vt
in fletum repente prorumperat; vberes la-
crymarum riuos estringere non valeret,
Monachorum se pedibus prostratus aduo-
leret, tradi sibi monachicum habitum in-
narrabili desiderio flagitaret. Monachi ve-
ro dum Patris eius duritiam metuunt, con-
uersioni illius aditum pandere non præsu-
munt. Honestus autem, qui tunc Raue-
næ Archiepiscopalem Cathedram obtine-
bat, olim Classensis cœnobij Abbas extite-
rat. Hunc ergo Romualdus impiger adiit,
eique omne sui cordis desiderium patefe-
cit. Qui alacer factus castæ concupiscentiæ
exhortationis stimulos addidit, fratribusque
vt cū suo collegio incunctanter asciscerent
impetrauit. Huius itaque patrocinio Cœ-
nobitæ suffulti, Romualdum intrepida secu-
ritate suscipiunt, eique sanctæ conuersio-
nis habitum tradunt. In eo igitur Mona-
sterio triennium fere transegit;

Quomodo Monachi corruptis, Romualdum
-ibidem de salario precipitare voluerunt, .

-sio
-sio

Sed cum ibi cerneret nonnullos per lata
gradientes remissius vivere, sibi autem
arduanam perfectionis semitam, quam mens
dictabat, recipere non licere; quid sibi
agendum, effecit sollicitè in semetipso cœpit
inquirere, et multisque cogebatur cogitatio-
num fluctibus aestuare. . Præsumebat au-
tem leviter conuersantium vitam dure cor-
ripere; & sepe ad eorum confusionem,
præcepta Regule in testimonium conuoca-
re. Cumque in redarguendis eorum vitiis
vehementer insisteret: illi autem iunioris,
& nouitii verba pro nihilo reputarent, tan-
dem hoc opprobrium non ferentes, dum
propriam emendare vitam despiciunt, de
corripientis morte tractare cœperunt. So-
lebat denique Romualdus per noctem cœ-
teris fratribus maturitis surgere, & si ora-
torij adhuc ianua clausa esset intra ipsum
dormitorium quin orationibus recubare.
Erant autem prædictum ædificium more so-
laris alte ædificatum. Hoc itaque inueni-
erunt filii Cain diabolo dictante, consilium,
ut dum Romualdus ante alios solito more

. con-

confurgeret, ipsi eum per solarij speculum, verso deorsum capite in terram præcipitarent. Quæ res postquam Romualdo per conscium conspiracy innotuit, ille iam de cetero intra cordis cubiculum clauso oris ostio, orans Patrem suum, imminens periculum deuittauit. Hoc itaque modo dum sibi cauit præcipitium corporis, fratribus, ne in animarum mortem corruerent, barathrum clausit iniquitatis,

Quomodo S. Romualdus se ad Eremum contulit,

C A P. IV.

CUmque in eius animo perfectionis amor magis, ac magis in dies cresceret, nullamque mens eius requiem inueniret, audiuit, quia in Venetiarum partibus quidam spiritualis vir esset, Marinus nomine, qui eremiticam duceret vitam: Consensu itaque ab Abbate, & fratribus nimirum facillime impetrato, ad prædictum venerabilem virum nauigio discurrente, peruenit, & sub illius regimine, degere humillima mentis deuotione instituit. Erat autem Marinus inter ceteras virtutes, vir simplicis animi, & sincerissimæ admodum puritatis, nullo quidem magisterio eremi-

ticæ conuersionis edoctus, sed ad hanc solummodo bonæ voluntatis impulsu fuerat incitatus. Porro autem hunc viuendi morem habebat, vt per continuum anni circulum tribus in hebdomada feriis mediam panis buccellam, & pupillum fabæ gustaret: tribus verò vinum, & pulmentum discretæ sobrietate perciperet. Psalterium quidem per dies singulos totum canebat. Sed nimirum rudis, & nullatenus ordine vitæ singularis instructus, sicut ipse postmodum B. Romualdus hilariter referebat, plerumque de cella exiens, vna cum discipulo passim per latitudinem eremi psallendo spatiabatur, nunc sub ista arbore videnos nunc sub illa tricenos, vel quadragenos continens psalmos. Romualdus, autem quia sæculum idiota reliquerat aperto psalterio, vix suorum versuum notas syllabatin explicare valebit: & hæc oculorum in imâ defixio intolerabilem sibi importunitatē accidię generabat. Marinus vero virgā in dextera gerens, Romualdo e diuerso sedenti sinistram capitis partem sæpissime verberabat. Post multa autē Romualdus graui admodū necessitate compulsus, humiliter ait: Magister, si placet, à dextro me deinceps tempore percutite, quia iam læuæ auris auditum funditus perdo. Tunc ille tantam eius patientiam admiratus, indiscretæ seueritatis temperat disciplinam.

Qualiter Petrus Vrscolus est primo

Dux factus, & postmodum sic

conuersus.

C. A. P. V.

Eodem vero tempore Petrus, cognomine Vrscolus, Dalmatici Ducatus gubernabat habenas. Qui videlicet ad huius fastigium dignitatis ascendere idcirco meruerat; quia decessoris sui, Vitalis scilicet Candiani peremptoribus fautor extiterat. Cur autem ille a suis extinctus sit, non ab re esse arbitror; si seruatae compendii breuitatis exponam. In coniugium namque Germanam Vgonis magni illius Marichionis acceperat, & æmulatione Leuiri suadente, multos ex Longobardiæ, & Tusciarum partibus milites, profligatis pecuniarum stipendijs, acquirebat. Hoc autem Venetiæ incolarum non ferentes, clam iniere consilium, vt repentino impetu Ducis palatium armati violenter irrumperent, eumque cum omni domo sua in ore gladii absque vlla retractatione necarent. Huius denique Conuenticulæ coniuratione comperta, Vitalis dux, nocturnis, diurnisque vallatus excubijs, hostiles insidias ad nihilum redigebat. Illis autem hæc, & illa ten-

tan-

tantibus. sed ad inceptę factionis effectum attingere non valentibus tandem visum est, vt domum Petri, quę Ducis palatio adiacebat contigua, prius incenderent: istoque modo; & Ducem caperent, & vniuersa eius domestică concremarent. Istius vero rei experiendę consensum à Petro, qui eorum consiliū particeps fuerat, flagitantes, huius tandem mercedis, scedere pacti sunt, vt pro vna eius domo, quam igne consumerent, totam ditiori illius Venetiam subderent: & deleto illo, quem exorsum habebant, Ducem hunc locum eius protinus subrogarent. Hoc igitur modo Petrus Dalmatice Regni adeptus est Principatū, qui postmodum ambitionis suę iam voluptatē potius respectu diuinę gratię demum corde compunctus est.

Quidam autem vcherabilis Abbas, Guarinus nomine, ex vltioris Gallię finibus orationis gratia per diuersas mundi regiones peregrinari solitus erat. Hic quoque ad Ducem veniens, ab eo protinus; vt sibi ad euadendum tanti reatus periculum, consilium præberet, exactus est. Accersitis igitur Marino, & Romualdo, hoc sibi communi inbetur sententia; vel sæculum simul cum ipso, quem per nefas inuaserat, ducatu relinqueret: & quia ad alię dominationis arcem iniuste proruperat, ipse

se alienæ potestatis dominio subiugaret. Ille autem homo nimirum in potestate positus, quia conuersionem suam manifeste facere ausus non est, tutam putauit hoc vtendum esse consilio. Imminente igitur festiuitate sancti cuiusdam Martyris, ex cuius vocabulo Basilicam in propria possessione adhuc priuatus habuerat, illic pridie Vxorem suam premissit, ipse quasi mox secuturus; hoc ei præcipiens, vt & ornatum Ecclesiæ accuratissimum prouideret, & se cum venientibus sumptuosas epularum delicias in crastinum præpararet. Ipse autem post coniugem remanens; his de suis thesauris, quæ sibi videbantur, ablatis, cum quodam suo familiari, Ioanne scilicet Grandenico, qui præfatæ coniurationis cōscius fuerat, & cum tribus illis beatis Viris quos præposuimus, nauem ascendit, deinde in Galliam ad Monasterium Abbatissæ Guarini magnis conuersus an fugit. Petrus igitur, & Ioanne monachis in S. Michaelis cenobio factis; Marinus, & Romualdus non longe à Monasterio degentes, ad singularem vitam, cui assueti fuerant, reuertuntur. Quibus etiam ipsi iam dicti fratres. peracto vix annuo spatio, ad perfectendam eiusdem solitudinis distractionem aggregati sunt.

*Qualiter S. Romualdus vno anno de pugillo
ciceris per diem ; & tribus annis de
sua agricultura vixit .*

C A P . VI.

INterea Romualdus, accenso mentis de
siderio , cœpit de virtutibus in uirtutes
mirabiliter crescere, & reliquos fratres san-
ctæ conuersationis gressibus longius antei-
re: vt iam quidquid inter fratres siue de
spiritualibus, siue etiam de corporalibus ipse
decerneret, cunctis volentibus, eius omni-
no sententia præualeret. Ipse quoque Ma-
rinus gaudebat Romualdo esse deuotus,
cui nuper fuerat ipse prælatus. Per conti-
nuum quippe annum Romualdus nihil
aliud in cibum habuit, nisi tantum per
singulos dies ex vno pugillo elixi ciceris vi-
xit. Tribus vero annis ipse, & Ioannes
Grandenicus sarculis terram frangentes, &
triticum seminantes, ex manuum suarum
labore vixerunt. Qui nimirum dum agri-
culturam exercebant, pondus ieiunii du-
plicabant.

De diuersa pugna diaboli, quam sustinuit.

C A P I T U L U M VII.

IMpugnabat tamen diabolus Romualdum multis, & variis tentationum immisionibus, maxime initio conuersionis, mentemq; eius per multa vitiorum incentiua raptabat, modò illi in memoriam reuocans, quæ, & quanta, utpotè vir strenuus, in sæculo acquirere potuit; modò quæ ingratis propinquis nec dum post se concupiscibiliter hæreditanda reliquit; modò parua nimis, & nullius meriti esse, quæ faceret, acclisabat; modò tantæ laboris horrorem incutiens, longæ vitæ spatium promittebat. O quam sæpè cellulam eius percutiens, cum cum adhuc vix obdormisceret, excitauit, & quasi iam iam imminente crepusculo, per totam noctem vigilando deduxit! Per continuum fermè quinquenniū, super pedes eius, & crura diabolus nocturno tempore iacuit: & ne huc, illucque se facile verteret, typo phantastici ponderis aggrauauit. Quis explicare valeat, quot frementes vitiorum bestias pertulit? Quam sæpe præsentis iniquos spiritus durissimis increpationibus effugauit? Vnde etiam si fratrum aliquis silentij tempore cellam eius

B

quauiis

quavis necessitate compulsus adiret, statim miles Christi paratus ad præliū, solito more, ipsum esse existimans diabolū, claris vocibus increpabat, dicēs: Quo tendis modo turpissime? quid tibi in eremo de cælo deiecte? Recede canis immunde, evanesce, coluber veterinosc. His igitur, & huiusmodi verbis declarabat se cum malignis spiritibus in acie semper assistere, & Fidei se armis accinctum, prouocantibus hostibus in campum protinus obuiare.

*Vnum genus vite S. Romualdi: & de pœnitentia
-Cui: Petri Ducis, & Prophetia eius.*

C A P. VIII.

Contigit autem, vt aliquando librum de vita Patrum legens, in illum locū incideret, vbi continetur, quod quidam fratres per continuam hebdomadam singulariter ieiunantes, sabbatorum die pariter conuenirent; ipsoque & Dominico die ieiunii rigorem interponerent, & remissius victitarent. Quem vivendi ordinem statim Romualdus arripuit, & in eo quindecim, ferè annis, vel eo amplius continua austeritate permansit. Petrus autem Dux, quia multis educari deliciis solitus fuerat, iam iam sub tam districti ieiunii pondere succum.

cumbebat. Vnde se ad pedes B. Romualdi humiliter stravit. Iussus vero vt surgeret, necessitatem suam cū verecundia coactus aperuit. Pater, inquit, quia magnum corpus habeo, pro peccatis meis ex hac paximatii medietate sustentare me nō possum. Romualdus igitur fragilitati piē cōpatiens, consuetæ mensuræ quadram paximatii superaddidit, & sic labenti iam fratri, ne omnino deficeret, misericordiæ manum tetēdit, & ad peragendum bene viuendi iter, quod cœperat, confirmavit. Hunc filius eius sibi æquiuiocus, vir valdē secundum sæculum prudens, aliquando visitauit. Cui Pater nescio vtrum prophetiæ spiritu, seu reuelatione aliqua, quæcumque sibi essent euentura prædixit. Noui, inquit, fili mi, proculdubio, quia Ducem te constituent, & prosperaberis. Tu tantummodo satage, vt & Ecclesiis Christi sua iura conserues, & erga subditos alicuius amore, vel odio à iustitia non declines.

Alind viuendi genus S. Romualdi.
 C. A. I. P. I. X.

Post hæc autem Romualdus iterum legens, quia S. Syluester Urbis Romæ Episcopus sabbatorum diem ieiunandum esse,

esse, vt reuera sancti Paschatis vigilias instituerit, mox remissionem sabbati in quintam feriam commutauit; & sic infirmorum imbecillitati consulens, longum ieiunium discretionem habita facilius reddidit: hanc nimirum viuendi regulam cunctis sectatoribus singularis vitæ præfigens, vt tunc se vnusquisque eremiticæ vitæ ieiunium tenere cognoscat, si per hebdomadam triduanas, & biduanas ieiunando, quinta feria, & Dominicis diebus olera, vel quodcumque liquamen cum gratiarum actione percipiat, exceptis videlicet duabus anni Quadragesimis, in quibus non solum ipse, & plerique sui discipuli totius hebdomadæ soliti erant continuare ieiunium. Et certe satis congruum erat, vt qui Deum in choro laudare semper studebat, & tympano, præcipuas modulationis armonicæ consonantias, diapason videlicet, & diapente, atque diatessenon iugiter in aures incircumscripti luminis personaret. Ieiunare autem omnino, hoc est, diem absque vilo cibo transigere, licet ipse sæpissime fecerit, aliis omnimodo prohibebat. Dicebat enim ad perfectionem tendenti hoc ad summe congruere, vt quotidie comedat, & semper esuriat, quatenus hoc caro per consuetudinem leuiget, quod graue nouitiis initio conuersionis apparet. Paruipendebat autem si

quis

quis ad tempus magnum quid inciperet, si non etiam in eò longanimitèr perseueraret.

Vigilias vero temperatè, & cum magna discretionè faciendàs maximè suadebat, ne cui fortassè contingeret, vt sopori, peractis nocturnis officiis, consentiret. Sanè huiusmodi somnum Vir sanctus in tantum habebat exosum, vt si quis eis confiteretur, post duodecim psalmorum vigilias, vel maximè circa diluculum obdormissè, nequaquam posset eo die cum eius licentia sacra Missarum solennia celebrare. Dicebat etiam melius esse, si possibile sit, vnum psalmum ex corde, & cum compunctione cantare: quàm centum cū mentis fabulatione percurrere. Cui autem hæc gratia perfectè data non esset, hortabatur tamen, nequaquam desperare, nequaquam vel ab ipsa corporali exercitatione tepescere, donec ipse, qui voluntatem dedit, tribuat etiam aliquando facultatem. Tantummodo orationis incensum mentis intentio in Deum semel fixa custodiat, quod exterius veniens cogitationum aura perturbat. Vbi enim est intentio recta, contra voluntatem cogitatio veniens non est nimium formidanda.

De Comite, qui vaccam rapuit, & eam comedendo, necatus est.

C A P. X.

QUODAM verò tempore, cum adhuc in Gallia finibus moraretur, familiarem sibi quendam habebat agricolam, qui sibi & utensilia, quibus in cella opus est, aliquando faciebat, & si quid ei opportunum esset, ditior charitate, quam rebus, de suæ paupertatis inopia hilariter ministrabat. Huius vaccam Comes quidam superbus, & tumidus missis parasitis, impetu barbarico rapuit, eiusque carnes præparari sibi ad prandium cum magna gulæ audacitate præcepit. Ecce autem rusticus cellam Romualdi festinus aggreditur, iacturæ suæ casum clamoris ululatibus vociferatur, spem suam, & suæ domus ablatam esse conqueritur. Sanctus itaque Romualdus ad eundem Comitem concito gradu nuncium dirigit, & ut pauperi animal suum reddat, humillima supplicatione deprecatur. Cuius preces lubricus Comes proteruo spiritu respuit, & quem saporis crassæ vaccæ lumbi potuissent habere, quia ipso die esset gustaturus, asseruit. Adueniente autem hora prandii, apposita mensa, vaccæ carnes alla-

allātæ sunt : & diuinæ vltionis iam imminente sentētia, in ipso edendi initio comes frustum bouini renis abscindens, sibi in os misit. Quod repente in illius gutture tam immobiliter hæsit, vt nec ad interiora descendere, nec foras eijci, vllis conatibus potuisset. Sicque inter suorum manus, intercluso spiraminis aditu, terribili morte necatus est : & vnde contra Dei seruum concupiscentiam carnis explere ad saturitatem voluit, inde iusto Dei iudicio carnalem vitam adhuc ieiunus amisit.

De Olibano conuersionem promittente.

C A P. XI.

ALius quidam comes, Olibanus nomine, in eisdem Galliarum partibus erat sub cuius iure Monasterium quoque prædicti Guarini Abbatis fuerat positum. Qui, sublimi quidem culmine terrenæ potestatis erectus, sed multis erat peccatorum molibus aggrauatus. Hic aliquando Romuæ gratia visitationis adiit, & ceteris extracellulam manentibus, solus cum solo gestorum suorum seriem narrare quasi per confessionem cœpit. Cui Vir venerabilis, his, quæ ab eo referebantur, auditis, respondit aliter eum saluari minimè posse, nisi mun-

dum relinquens, ad Monasterium conuolare. Comes autem mox mente turbatus, ait: quia videlicet sui spirituales viri, qui eius acta cognoscerent, nequaquam ita sentirent, neque tam intolerabilem rem sibi aliquando suaderent. Ascitis itaque Episcopis, & Abbatibus, qui secum venerant, coepit in commune perquirere, si ita res sicut Dei seruus testabatur se haberet. Illi autem Beati Romualdi sententiam omnes vna voce confirmant, se autem id Comiti eatenus non dixisse, terrore constrictos excusant. Tunc comes, semotis omnibus, hoc cum B. Romualdo secreto valde consilio pepigit, vt ad Casinū montem sub prætectu orationis pergeret, & in Monasterio S. Benedicti diuino se scriptio irreuocabiliter manciparet.

De Sergio ad saculum reuerti volente.

C A P. XII.

INterea Sergius Pater Romualdi monachus efficitur, sed aliquanto post suadente diabolo factæ conuersionis penitens, in Aegyptum redire conatur. Quod protinus Monachi, coenobii videlicet S. Seueri, quod non longius ab Vrbe Rauennæ est positum, vbi corpore, non corde Sergius habitabat,

B. Ro-

B. Romualdo indicare per nunciū studuerunt. Hac ille sinistra relatione perculsus, necessarium esse decreuit, vt Guarinus Abbas, & Ioannes Grandenicus vnā cum Comite ad eius cōuersationem pergerent, ipse verò pereunti Patri quātocyus subueniret. Petrus autem Dux extremum iam diem, feliciter clauferat. His itaque duobus Comitem in eorum fide commisit, vtrique quidem, sed Ioanni præcipuè, qui ei subditus erat, per obedientiam specialiter mandans, vt etiam si Guarinus abscederet, ipse se numquam à Comite separaret.

*De prudentia S. Romualdi, & labore itineris,
& disciplina in Patrem.*

C A P. XIII.

AVdientes autem illius Regionis incolę, quia Romualdus abire disponderet, nimio mærore turbati sunt. Et tractantes intra se qualiter ab hac illum intentione reprimerent, hoc illis tandem potissimum visum est, vt eum missis interfecto-ribus, impia pietate perimerent, quatenus quia eum non poterant retinere viuente, haberent pro patrocinio terrę, vel cadauer exanime. His verò cognitis Romualdus caput suum vndique decaluauit, & huius rei executoribus

bus cellulae eius iam appropinquantibus, primo ferè diluculo comedere quasi per audacitatem coepit. Illi autem hoc videntes, dementiam credidere, & arbitantes mentem laesam esse, corpus laedere dedignati sunt. Sic videlicet, sic prudens spiritualis David insania stultam carnaliter sapiētium superauit astutiam. Nam & volentes peccare cohibuit, & ad meritorum suorum, cum ulū sine mortis formidine mortis periculum declinauit. Deinde iam libera vti facultate permissus, non equo fultus, non vehiculo deportatus, sed solum in manu ferrens baculum, nudis plantis ex intimis Galliarum finibus Rauennam vsque peruenit, ibique patrem ad seculum reuerti volētem reperiens, in ligno pedes eius fortiter strinxit, grauibz eum vinculis alligauit, verberibus duris afflixit, & tan-

diu corpus eius, pia seueri-

tate perdomuit, donec

eius mentem ad sa-

lutaris statum,

Deo me-

den-

te, reduxit.

Quomodo Sergius vidit Spiritum Sanctum.

C A P. XIV.

Sergius igitur tandem sanctæ mentis recepto consilio, quidquid prius retrograda voluntate deliquit, multipliciter, postmodum rectis sanctæ conuersationis gressibus emendauit. Habebat denique inter cetera consuetudinem antè quamdam Saluatoris imaginem frequenter assistere, ibique peculiariter orans, vberibus lacrymis, & multa se cordis contritione mactare. Quadam igitur die dum ibi attentius in oratione persisteret (noua res, & nostris temporibus inaudita) repente sibi, nescio qua specie, Spiritus sanctus apparuit. Qui protinus à Sergio quis esset interrogatus, manifestè, quia ipse esset Spiritus sanctus, asseruit, & subito quasi petransiens, ab oculis se aspicientis euasit. Statim ille in extasim, raptus, atque eius, quem viderat, igne succensus cœpit per claustrum Monasterii post eum velociter currere, fratresque qui illic aderant, magno feruoris impetu, quo Spiritus sanctus abisset, interrogare. Illis autem, in insaniam eū cecidisse putantibus, atque illum dure corripientibus, assererat

Ser.

Sergius se Spiritum sanctum absque vlla, dubietate vidisse, & ante suum conspectum visibiliter pertransisse. Qui statim languore correptus, lecto decubuit, & intra paucos dies felici consummatione finiuit. Hinc sanè probatus, quod diuina voce ad Moysen dicitur: Non enim videbit me homo, & viuet. Hinc Daniel cum non Deum, sed visionem Dei se conspexisse diceret, addidit: Elangui, & egrotavi per dies plurimos. Rectè igitur Sergius postquam æternam vitam, quæ Deus est, cernere meruit, à temporali mox vita defecit.

De cruce Ioannis propter inobedientiam.

fracta.

C. A. P. XV.

O Libanus autem comes sua relinquens filio, cum multa diuitiarum copia, quindecim scilicet onustis thesauro sagnarijs, comitantibus cum Guarino, & Ioanne, ipso quoque Marino, ad B. Benedicti, de Monasterium contulit, & vale dicens his, qui secum venerant, nil tale de eo vsque tunc suspicantes, multis gemitibus, & amaris se fletibus affligentes, ad propria remeare coegit; Marinus autem paulo post Apuliã versus abiit, ibique postmodum in solitu-

ver-

dine habitans, ab Agarenis est latroculis in-
 terfectus. Breui post tempore Guarinus,
 orationis causa discurrere solitus, Ioannes
 verò fratris exemplo ad idem religionis of-
 ficiū provocatus, Hierosolymam con-
 mēare pari consilio decreuerunt. Hoc igitur
 Olibanus cognito, tristis, & flens, ob-
 sequare deuotissime cœpit, ne se violata
 fide desererent, sed sicut B. Romualdus
 præceperat, in Dei illum seruitio custodi-
 rent; addens etiam: Memento tu saltem,
 Ioannes, quia Magister tuus in tua me pro-
 pensius fide commisit, & titulum tibi ino-
 bedientiæ, si discedis, opposuit. Illi autem
 obstinata intentione in proposito persisten-
 tes, relicto tandem Olibano, peregrinatio-
 nis iter arripiunt. Cumque descendentes
 de monte ianuinica pedestria declinassent,
 figentes se loco necessarium aliquid inter
 se tractare cœperunt. Et inter agendum,
 subito Guarini equus furioso rotatus impe-
 petu in aliam partem inuito sessore diuertit,
 & Ioannis tibiam ferrato calce percutiens,
 fregit. Qui illicò ad terram nimio dolore
 prostratus, iam serò memor Magistri præ-
 ceptā ad mentem reuocat, & se perfidum,
 se inobediētiæ reum verbis publicæ con-
 fessionis accusat. In fracto namque crure
 didicit, quia fidem frangere peccatum fuit.
 Et quia ipse rationis capax Magistro inobe-
 dien-

diens extitit, ad incolumitatis suæ custodiam irrationale animal seßori obedire nesciuit. Deinde illuc, vnde venire cœperat, rediens, cellam sibi ædificari prope Monasterium petijt, ibique per triginta fere annos, quamdiu vixit, in sancta conuersatione permansit. Multa in eo charitas, mira humilitas, abstinentia verò districta nimis, & cauta; ita vt nec infra claustrum Monasterij quisquam sciret, Vir sanctus qualiter ieiunaret. Inter reliqua autem virtutum dona ita exosum habebat detractionis vitium, quatenus mox vt quis ad detrahendum os aperiret, velut sagitta vigore lapidis reperiçssa, in dirigentem protinus redundaret, ita ab eo illius obrectatio reprimeretur. Post eius verò obitum, nonnulla per eum miracula diuinitus facta sunt.

De S. Romualdo à demonibus percussò.

CLASSIS P. XLVI.

Romualdus autem post Patris correctionem, in palude Classis cellulam figens, in loco, qui pons Petri dicitur, habitauit. Postmodum verò non corporis egritudinem metuens, non foetoris nauseam perhorrescens, sed ne imbecillitatis occasione quantumlibet se ab abstinentiæ rigore

re-

remitteret, ad Classis itidem prædium, vbi
 est Ecclesia B. Martini, quæ dicitur in Siluâ
 migravit. Ibi verò quadam die dum Com-
 pletorium caneret, quia antiquum illic cæ-
 meterium fuerat, vt sæpe fit, subito illi ex
 huiusmodi recogitatio incidit, moxque
 eius animum magnus phantasticæ illusio-
 nis horror inuasit. Cumque hoc crebrius
 in mente reuolueret, ecce maligni spiritus
 repentino impetu cellam eius ingressi, pro-
 tinus illum in terram sternunt, immeni eū
 cæde conficiunt. & exhaustis longo ieiunio
 membris, dirissimos ictus illidunt. Tan-
 dem Romualdus inter ipsa percussionum
 verbera, respectu diuinæ gratiæ visitatus, in
 hanc vocem erupit: Chare Iesu, dilecte
 Iesu, quare me dereliquisti? Numquid
 omnino me inimicorum manibus tradidi-
 sti? Ad hæc omnes iniqui spiritus diuina
 virtute fugati sunt. Et continuo tanta diui-
 ni amoris compunctio Romualdi pectus
 accendit, vt totum cor eius in lacrymas
 quasi cera liqueceret, & de tot allisioni-
 bus sauciati corporis nil sentiret. Mox sa-
 nus, & validus de terra surrexit, & licet im-
 pediente adhuc sanguine, ad eundem psal-
 mi versum, quem reliquerat, rediit. In
 ingressu quippe dæmonum fenestra cellulæ
 in frontem illius impegit, in qua manifesta
 postmodum cicatrix occalluit, quæ euident
 vul-

vulneris indicium, quamdiu Vir sanctus vixit, ostendit.

De inquis spiritibus, qui sibi velut dira volucres apparebant.

C A P. XVII.

TAm igitur miles Christi assueto bello robustior, studebat quotidie ad maiora proficere, de viribus in vires crescere, & semper semetipso fortior, nullas iam poterat enervati hostis insidias formidare. Sæpe enim sibi in cella residenti velut teterrimi corui, vel vultures, iniqui spiritus videbantur assistere, & quasi ad custoditum animalis cadaver, quia non audebant accedere, cogeantur eminus aspectare. Sæpe se in figuris Aethiopum, sæpe se per diuersorum animalium species ostendebant. Quibus clarus Christi triumphator insultabat, dicens: Ecce paratus sum, venite; & si qua in vobis est virtus, ostendite. Numquid iam omnino deficitis? numquid iam victi estis, & aliquas contra Dei servulum certandi machinas non habetis? His denique, & huiusmodi verbis confundens iniquos spiritus, confestim eos, velut missis totidemiaculis, effugabat. Videns ergo diabolus, quia per semetipsum contra Dei fa-

mulum præualere non posset, ad callida argumenta conuersus quocumque Vir sanctus ibat, discipulorum eius animos aduersus eum in malitiam excitabat, vt quia retentari eum ab accenso sui feruoris impetu impossibile fuerat, saltem ab aliena salutis cura compesceret: & quia ipse ab hoste superari minimè posset, vel ex alijs victoriam non negaret.

De Monachis S. Romualdum verberantibus, & diuina ira percussis.

C A P. X V I I I.

A Liquando namquè ad locum, qui Balneum dicitur, qui videlicet in Saxenati constitutus est territorio transiit: vbi etiam nō paucò tempore commorans, Monasterium ad B. Archangeli Michaelis honorem construxit, à quo non longè cel- lam in ea habitaturus intrauit. Illuc autem Hugo Marchio septem sibi pro necessitate misit numismatum libras: quas ille, vt benè prodigus misericorditer dispensaret, accepit. Audito itaque quod Monasteriū Palatioli fuisset igne consumptum, sexaginta solidos de prædicta pecunia à fratribus in adiutorium direxit, reliqua autem, vt in simile opus expenderet reseruauit. Cogni-

to hoc Monachi S. Michaelis belluino cō-
tra eum furore commoti sunt, tūm quia
prauis eorum moribus contrarius iam in
multis extiterat, tūm quia quæ illi defere-
bantur, non eis omnia, sed quædam alijs
impendebat. Facta igitur conspiratione,
vnanimiter cellam eius cum sudibus, &
phalangis irrumpunt, verberibus eum,
multis afficiunt, & direptis omnibus turpi-
ter dehonestatum de finibus suis expellunt.
Cum itaque eliminatus abiter, & nimia
tristitiæ vis in mentis eius iam interiora
descenderet, hoc apud semetipsum delibe-
rat, vt iam de cœtero sua contentus, alie-
næ salutis curam omnino postponat. Post
quàm videlicet cogitationem tantus ani-
mum eius terror inuasit, vt si in eo, quod
mente conceperat, obstinatè persisteret,
perituum se, damnandumque diuino lu-
dicio nullatenus dubitaret. Monachi autē
compotes diu desideratæ vltionis effecti, &
quasi profecto graui onere leuigati, hoc,
quod in Dei famulum egerant, multis in-
ter se laudibus efferunt, & immoderatum
ludum, atque cachinnum se, lætitia leno-
cinante, resoluunt: deinde, etiam vt tanti
gaudij solemnitatem quodāmodo iucun-
dissimam faciant, sumptuosas deliciarum
copias sibi ad conuiuium parant. Erat ve-
rò tunc hiems, quæ non solum vicissitudini
tem-

temporum, sed frigidi s quoque eorum,
 mentibus aprissime congruebat. Vnus au-
 tem ex eis, qui in beatissimum Christi fa-
 mulum sæuior fuerat, mel acquirere, vnde
 nullum epulantibus faceret, satagebat. Cū-
 que Sapin fluuium hoc studio transmea-
 ret, offendentibus in planas pedibus, subi-
 to de ponte deicitur, & fluuiali voragine
 funditus absorbente raptatus, extinguitur.
 Iusto videlicet Dei iudicio, vt turbida illū
 aqua satiaret ad mortem; quia in eo, quod
 flere debuerat, mellis dulcedinem ad vitæ
 concupierat voluptatem. Nocte verò dum
 omnes ex more quiescerent, descendente
 crebra niuium multitudine, repente tota
 communis ædificij super eos fabrica cor-
 ruit, & alteri caput, alij brachia, alij crū-
 ra, vel quælibet alia membra contri-
 uit. Vni etiam eorum oculus euul-
 sus est, & meritò diuisionem cor-
 poræ lucis pertulit, qui di-

uisus à proximo, etiam

si alterum habe-

ret, geminæ

chari-

tatis vnum

lumen a-

misit.

*De Iussione Sancti Apollinaris ad S.
Romualdum.*

C A P. X I X.

ALiquando autem Vir sanctus non longè mansit à Catria. Cumque ibi aliquandiu moraretur, manifestè sibi B. Apollinaris apparuit, & quatenus ad suum Monasterium pergeret, ibique potius habitaret, ex magna auctoritate præcepit. Quod Vir sanctus nequaquam negligendum ducens locum, in quo morabatur, sine cunctatione deseruit, & quo missus fuerat, impiger festinauit.

De habitatione eius in Origario.

C A P. X X.

INclusus est etiam quodam tempore, Vir venerabilis in palude Commaclensi, quæ dicitur Origarium: vnde postmodum præ nimio palustris cœni foetore, & corrupto aere, ita totus tumefactus, & depilatus exiit, vt nequaquam eadem, quæ inclusa fuerat, species videretur. Nam & caro eius tota eatenus erat viridis, vt vix stellioni discolor appareret.

De cella incensa, & per orationem extincta.

C A P. XXI,

ALio quoque tempore in Insula, quæ
Percum dicitur, habitauit, quæ vide-
licet Insula à Rauenna Vrbe duodecim,
ferè millibus distat. Ibi verò dum in cella
cum quodam venerabili viro, suo nimirū
discipulo, Guilielmo nomine, moraretur,
angusti parietes habitaculi repente flam-
ma corripuit, deinde ad alta conscendens.
dominari per tecta liberis iam viribus cœ-
pit: Protinus Vir sanctus ad solitæ defen-
sionis argumenta confugiens, non quæ ibi
erant repositæ foras extrahere non, vt mos
est, tecti scindulas dissipare, non aqua-
rum abundantiam spargere, non vl-
lis impulsus est ad extinguen-
dos ignes nisiibus anhelare,
sed solummodo ora-
tionem fudit, &
confestim stri-
dentes
ignium globos
diuina vir-
tus extin-
xit,

De Rege hospite S. Romualdi, & quia Abbatiam suscepit -

C A P. XXII.

Eodem verò tempore iunior Otto Imperator Classensem Abbatiam ordinare desiderans, optionem fratribus dedit, ut quem ipsi vellent, indubitanter eligerent. At illi continuo vnanimiter expetunt Romualdum. Imperator, aut diffidens beatum Virum ad Regiam aulam euocari posse per nuncium, ire ad eum per semetipsum voluit, & ad cellam eius, Sole iam occidente, peruenit. Cui Romualdus, quia magnum hospitem in parua domo susceperat, lectulum suum ad quiesciendum dare dignatus est. Coopertorium tamen Rex noluit, quia asperrimum iudicauit. Mane autem facto, Rex eum secum ad Palatrum duxit, tandemque sibi instare, ut Abbatiam susciperet, multis precibus cepit. Qui cum reluctaretur, & Regiæ petitioni assensum penitus denegaret, Rex autem, è contrario excommunicationem, & anathema ab omnibus Episcopis, Archiepiscopis, & toto synodali Concilio minaretur: tandem imminente necessitate succubuit, & animarum regimen coactus accepit. Referebat

bat tunc hoc sibi nequaquam videri nouum, sed antè quinquennium sibi fuisse diuinitus reuelatum. Regebat itaque Monachos sub districta Regulæ disciplina, neque alicui ab ea declinare impune licebat, non denique nobilis, non litteris eruditus, per actus illicitos in dextram, leuamque partem deflectere, vel à rectæ conuersationis audebat rectitudine deniare. Vir denique sanctus cordis oculos in cælum figens, vt Deo in omnibus obtemperaret, non timebat hominibus displicere. Hoc autem fratres considerantes semetipsos prius accusant, quia hunc sibi præesse poposcerant; deinde multis cum detractionum, susurrationibus lacerant, & duris scandalorum aculeis vexant,

*De Abbatia dimissa, & pace inter Regem,
& Tiburtes facta.*

C A P. XXIII.

Romualdus itaque videns, & suam perfectionem aliquatenus minui, & illorum mores procliuius in deteriora conuerti, Regem impiger adiit, & eo non leuiter reluctante, vnâ cum Archiepiscopo Raennate, in vtriusque conspectu virgam proiecit, & Monasterium dimisit. Porro

autem Rex Tiburtinam tunc ciuitatem, obsidebat. Ciues enim inclytum eius Ducem, Mazolinum nomine, interfecerant, ipsum quoque Regem correptis armis à suis mœnibus exturbabant. Vnde non dubium est B. Romualdum illuc ex diuina prouideniia missum, qui imminens tot animarum periculum sequestra pace deleuit. Hoc etenim inter eos pactus est, vt Tiburtes ad honorem Regis murorum partem diruerent, obsides darent. Ducis verò interfectorem ad eius matrem catenatum, dirigerent. Quæ sancti Viri fufis ad Deum precibus, mitigata, crudeliter offensa, & crimen indulfit, & incolumem ad propria redire permi sit.

De sancto Venerio.

C A P. XXIV.

Fecit quoque venerabilis Vir apud Tibur alium boni operis fructum, quem silentio prætereundum esse non arbitror. Quidam namque beatus Vir, Venerius nomine, habitare primitus in Monasterio cepit cum tanta humilitate, & simplicitate, vt omnes illum fratres subsannando despiccerent, & delirum eum, atque dementem esse putarent. Alij namque illum sæpè colaphizare, alij sordida qua lebetes lauabantur

tur, aqua perfundere, alii diuersis illum
solebant conuiciorum iurgiis lacerare.
Cumque ille se perpenderet inter tot ad-
uerfa tranquillam suæ mentis statum ser-
uare non posse, consortium deserens in so-
litudinem fugiens properauit: Vbi per sex
annos absque vino, omnique pulmento
sub nimix distictionis ariditate permansit.
Hunc itaque Romualdus, audita eius fa-
ma, visitare curauit. Quem interrogans,
sub cuius regimine degeret, cuiusne arbi-
trio suæ conuersationis obedientiam exhi-
beret; respondit, se alieno solum impe-
rio, hoc sequi, quod sibi vtilius videretur.
cui Romualdus ait; Si Crucem Christi
portas, superest, vt Christi obedientiam
non relinquant. Vnde igitur, & consensu
à proprio Abbate suscepto, reuertere, & sub
eius dominio humiliter viue; quatenus
sacri operis ædificium, quod bona vo-
luntates ædificat, humilitas erigit; obe-
dientiæ virtus extollat. Hæc, & multa alia
ædificationis monita proferens, docuit eum
qualiter cogitationibus suis resistere, qua-
liter posset iniquorum spirituum instiga-
tionibus repugnare, & ita confirmatum, &
instructum in multa eum alacritate reli-
quit. Ille igitur sancti Viri documenta gra-
tanter amplectens, Abbatem suum proti-
nus adiit: consensum accepit, & ad dilectam
soli-

solitudinem quantocyus remeant, Volens autem in possessione sui Monasterii habitare, ascendit in quoddam saxum nullis hominum vestigiis peruium, & ab humana penitus conuersatione remotum, ibique per quatuor annos omni humano solatio destitutus, singulariter habitans, exceptis tribus bucellis, quas de Monasterio secum detulerat, non panem comedit, non vinū bibit, non coctum aliquid omnino gustauit, sed solis arborum pomis, & herbarum radicibus vixit. Erat autem in eodem saxo quædam concanitas, vbi colligebatur aqua in hieme, ex qua Vir sanctus tota bibebat æstate. Tandem verò cognito, quòd ibi seruius Dei moraretur, coeperunt ad eum multi confluere, ciborum alimenta deferre, & quæque sibi quasi necessaria ministrare. Quorum ille nullius indigens, euncta pastoribus pecorum, & aliis indigentibus exhibebat. Exhortante autem loci Episcopo, Basilicam ibi fieri, & consecrari permisit. In qua ipse aliquanto post tempore defunctus est, & à quibusdam, se querentibus inuentus est acclinis ante altare, quasi causa orationis in cubitis, & genibus iacens. Vbi nonnulla per eum Dominus miraculorum signa operari dignatus est. Sic denique, sic bona terra vberes fructus reddidit, quæ verbi semen ex ore

ore Romualdi multiplicatum suscepit.

De Tamo, & Religione Regis Ottonis.

CAP. XXV.

A Pud prædictam quoque Civitatem con-
vertit beatissimus vir (Romualdus)
Tammum quendam Teutonicum, qui sicut dici-
tur. in tantum Regi familiaris, & charus
exteterat, ut utriusque vestes utrumque
contegerent, & amborum manus una pa-
ropsis communi sæpè conuiuio sociaret.
Crescentius namque Senator Romanus
indignationem Regis incurrens, in mon-
tem, qui dicitur sancti Angeli, confugiū
petiit, & quia munitio inexpugnabilis est,
obsidente Rege, ad defendendum se fidu-
cialiter præparauit. Cui Tammus ex præ-
cepto Regis insurandum securitatis præ-
stitit, & ita ille deceptus, adnitente Papa,
qui sibi inimicus erat, quasi reus maiesta-
tis capitalem sententiam subiit. Cuius vxo-
rem postea Imperator in concubinam ac-
cepit. Quia igitur Tammus & fraudis con-
scius, & periurio tenebatur obnoxius, idcir-
co à beato Romualdo iussus est relinquere
sæculum. Qui mox à Rege licentiam ex-
petens, non modo facilem reperit, sed ni-
mium etiam alacrem fecit. Erat enim,
præ-

prædictus Imperator monastico ordini valde beneuolus, & nimia circa Dei famulos affectione deuotus.

Ipse autem Rex eodem crimine beato Viro confessus, penitentiae causa nudis pedibus de Romana Vrbe progrediens, sic vsque in Garganum montem ad S. Michaelis perrexit Ecclesiam. Per totam etiam Quadragesimam in Classensi Monasterio B. Apollinaris, paucis sibi adherentibus mansit. Vbi ieiunio, & psalmodia, prout valebat, intentus, cilicio ad carnem indutus, aurata desuper purpura tangebatur. Etiam fulgentibus pallis strato, ipse in storea de papirijs confecta tenera, delicati corporis membra terebat. Promisit itaque B. Romualdo, quod Imperium relinquens, monachicum susciperet habitum, & cui innumeri mortales erant obnoxii, iam ipse pauper, & sub iugo subiectus, coepit esse debitor suis. Quod

Quod

*Quòd S. Romualdus apud Casinum egrotauit
deinde ad Pereum venit.*

C A P. XXVI.

Romualdus igitur cum eo, quem præ-
diximus. Tammo. & cum Bonifacio
viro clarissimo, quem nunc felicissimum
martyrem, se habere Russiana gloriatur
Ecclesia, & cum alijs conuersis Teutoni-
bus, à Tiburis oppido ad Monasterium S.
Benedicti, quod in Casino constitutum
est monte, deuenit. Ibi nempe grauer
infirmatus est, sed cito ex diuina miseri-
cordia conualuit. Habebat autem equum
satis egregium, quem sibi Busclau Scla-
uonici Regis filius dederat, factus ab eo
monachus. Hunc Vir sanctus humilitatis
studio permutauit, & lucroso concam-
bio asinum laudabilis negociator accepit.
Nimio quippe Redemptoris nostri desi-
derio, qui asellæ tergo confederat, Vir ve-
nerabilis hoc ipsum animal libentius equi-
tabat. Cum his igitur omnibus superius
nominatis Romualdus ad Pereum, vbi du-
dum habitauerat, rediit, ibique denique
his, & alijs multis fratribus aggregatis, &
per cellas singulas constitutis, tanto feruo-
re eremiticę conuersationis rigorem, & in
se,

se, & in aliis tenuit; vt illorum vita omnibus, ad quos fama eorundem peruenire poterat, mirabilis haberetur. Quis enim non obstupesceret? Quis non immutationem diuinæ dexteræ prædicaret, cum vidisset prius homines sericis, immo deauratis vestibus indutos, crebris obsequentium cuneis constipatos, omnium deliciarum affluentis assuetos, nunc eos cerneret vno birro contentos, inclusos, discalceatos, incultos, & tanta abstinentiæ ariditate contritos? Faciebant autem omnes opera manuum, alii scilicet coclearia, alii nebant, alii retia nectabant, alii cilicia.

De S. Bonifacio Martyre.

C A P. XXII.

QVorum tamen omnium vitam B. Bonifacii conuersatio longius transcendebat. Hic denique Regis fuerat consanguineus, & ita charus, vt Rex illū nō alio vocaret nomine, nisi Anima mea. Erat autem apprime liberalium artium doctrinis instructus, maximeque in modulationis musicæ studiis approbatus. Hic itaque cum in capella Regia moraretur, videns Ecclesiam antiqui Martyris Bonifacii, mox exemplo sui equiuoci ad martyrii desiderio

siderium prouocatus, ait: Et ego Bonifacius vocor. Cur ergo etiam, ipse Christi Martyr esse non debeo? Deinde quoque iam monachus factus, tanta se abstinentiæ frugalitate constrinxit, ut sæpe Dominicis diebus, & quinta tantum feria per hebdomadam manducaret. Nonnunquam verò si vrticarum, vel etiam veprium cerne-
 ret densitatem, illuc se proiciens, voluta-
 bat. Ex quo cum quidam frater aliquan-
 do eum corripere, dicens: Hypocrita, quare hoc ad captandos popularis auræ rumores coram omnibus facis? nihil aliud respondit: Tui sint Confessores, mei sint Martyres. Cum verò post diuturnam eremeticæ conuersationis vitam ad prædicandum iam ire disponderet, Romam primitus pergere studuit, & ab Apostolica Sede consecrationem Archiepiscopatus accepit. Retulit mihi quidam Senex monachus, qui eum illuc comitatus de Rauennæ finibus fuerat, quia in toto illo itinere. Vir venerabilis, cum omnibus quidem, qui eum sequebantur, pedester ibat, sed ipse iugiter psallens. & ceteros longè præcedens, nudis semper pedibus incedebat. Pro labore quidem itineris quotidie comedebat, sed per singulos dies de medio pane, & aqua viuens, in diebus festis, ignoto videlicet omni liquamine, quotidiano victui

vlctui poma quælibet, vel herbarum radices addebat.

Postquam autem consecratus est, quotidie obseruabat, et monasticum pariter, et canonicum in celebrandis horarum officiis ordinem. Cum verò iam vlttramontanos peteret fines, equo quidem vehebatur, sed venerabilis Pontifex, sicuti dicitur, nudis cruribus semper, & plantis adeo intolerabilem frigidissime regionis tolerabat algorem, vt volens descendere, vix pedem ab subhærente ferro disiungeret, nisi aqua prius calida subueniret. Ad Gentiles autem postremo perueniens, cum tanta cœpit feruidi pectoris constantia prædicare, vt iam nullus ambigeret, quia Vir sanctus martyrium flagitaret. Illi verò timentes, ne sicut post martyrium B. Adelberti, coruscantibus miraculorum signis, Sclauonicæ Gentis plerique conuersi sunt, ipsis quoque similiter eueniret, longo tempore a beato Viro manus artificiosa malitia reprimunt, & cupidissimo mori, nolentes eum occidere, crudeliter parcunt. Cumque ad Regem Russorum Vir venerabilis peruenisset, & costanti animo prædicationi vehementer insisteret; videns eum Rex squalidis vestimentum indutum, nudis pedibus incedentem, opinatus est, quia Vir sanctus talia non religionis causa proferret, sed idcirco
potius

potius vt pecunias congregaret. Promisit ergò sibi, quia si ab huiusmodi vanitate recederet, ipse paupertatem eius largissima diuitiarum liberalitate ditaret. Bonifacius itaque mox ad hospitium sine mora reuertitur, pretiosissimis pontificalibus ornamentis decènter induitur, & sic ad Regis palatium denuo præsentatur. Rex autem videns eum tam decoris vestibus adornatū, ait: Nunc scimus, quia te ad vanam doctrinam non paupertatis inopia, sed veritatis impulit ignorantia. Verumtamen si vis vera credi, quæ asseris, erigantur duæ excelsæ lignorum cataste, breuissimo à se interstitio separatæ, & igne supposito, cum vaporatæ fuerint, ita vt vtriusque struis vnus ignis esse videatur, tu transi per medium. Quod si læsus ex aliqua parte fueris, ipsis te penitus consumendum ignibus trademus: sin autem (quod credi non potest) sanus euaseris, omnes nos Deo tuo absque vlla difficultate credimus. Cumque hoc fœdus non solum Bonifacio, sed & cunctis, quæ aderant, Gentibus placuisset, Bonifacius ita vestitus, velut Missarum solemnia celebraturus, prius cum sanctificata aqua, & incenso thure vndique perlustrans ignem, deinde stridentes flammarum globos ingressus, ita exiuit illæsus, vt nec minimus capitis eius capillus videretur.

tur exultus. Tunc Rex, & cæteri, qui huic spectaculo interfuerant, cateruatim se ad pedes beati Viri proiciunt, indulgentiam lacrymabiliter petunt, & baptizari se instantissima supplicatione deprecantur.

Coepit itaque tanta Gentium multitudo ad Baptisma confluere, vt Vir sanctus ad spatiosum quemdam lacum pergeret, & in ipsa aquarum abundantia populum baptizaret. Decreuit autem Rex, vt Regnum relinquens filio, ipse quamdiu viveret, se à Bonifacio nullatenus separaret. Frater autem Regis cum ipso pariter habitans, dum nollet credere, absente Bonifacio ab ipso Rege peremptus est. Alius verò frater, qui iam à Regis erat cohabitatione diuisus, mox ad eum Vir venerabilis venit, audire eius verba noluit, sed de conuersione fratris nimia aduersus eum, ira succens, continuo comprehendit, deinde timens, ne si viuum teneret Rex eum de manibus eius eriperet, in sua præsentia, circumstante non parua hominum multitudine, decollari præcepit. Statim verò & ipse cæcatus est, & tantus eum cum omnibus, qui iastabant, stupor oppressit, vt nec sentire, nec aliquod humanitatis officium, agere aliquatenus possent; sed cuncti velut lapides rigidi, & immobiles permanerent. Rex autem hoc audiens, nimio dolore

per-

percutsus, omninò deliberat non solum fratrem occidere, sed et cunctos, qui sibi tanti reatus fautores extiterant gladiis trucidare. Sed cum illuc protinus aduenisset, et corpore Martyris adhuc in medio posito, fràtrem simul cum reliquis hominibus sine sensu, et motu stupefactus astare conspiceret, hoc sibi cum suis omnibus placuit, vt prius pro eis oratio fieret, si forsitan illis diuina misericordia sensum, quem amiserant, reformaret: deinde si acquiescerent credere, indulto crimine, viuerent, sin autem, omnes ultoribus gladiis interirent. Cùm igitur, et ab ipso Rege, et à ceteris Christianis diutius fuisset oratum, non solum prior sensus stupefactis hominibus redditur, sed insuper consilium quoque flagitandæ veræ salutis augetur. Nam continuò pœnitentiam sui criminis flebiliter expetunt, Baptismi Sacramenta cum magna alacritate suscipiunt, super corpus quoque beatissimi Martyris Ecclesiam cōstruunt. Verumtamen ego si de hoc mirabili Viro cuncta, quæ dici veraciter possunt virtutum dona referre tentarem, deficeret forsitan lingua, non deficiente materia. Dum igitur Bonifacii virtus proprio indigeat stylo, idcirco tamen illum cum aliis Romualdi discipulis summotenus hic memorare curamus, vt ex eorum

laude, quàm magnus vir gloriosus Magister eorum fuerit, demonstramus; quatenus dum celsitudo clientium auribus fidelium insonat, quàm excelsus Doctor eorum fuerit, ex schola, quam tenuit, innotescat.

De S. S. Ioanne, & Benedicto Martyribus.

C A P. XXVIII.

INterea, Romualdo in Pereo adhuc habitante Busclauus Rex preces Imperatori direxit, vt sibi spirituales viros mitteret, qui Regni sui Gentem ad Fidem vocarent. Mox Romualdum Imperator aggredditur, & concedi sibi de suis Monachis, qui illuc destinari vtiliter valeant, deprecatur. Ille verò nulli suorum hoc præcipere vult ex prælationis auctoritate voluit, sed in eorum voto ponens, siue manendi, siue abeundi, eis optionem dedit. Ignorabat enim ex tam metuendo negotio voluntatem Dei, & ideo non illud suo, sed fratrum potius arbitrio committebat. Interrogante igitur eos, & humiliter obsecrante, tandem duo solummodo sunt ex omnibus inuenti, qui se vtrò ad eundem promptos offerunt. Quorum vnus Ioannes, Benedictus alter vocabatur. Hi itaque ad Busclau-

clauū euntes in eremo prius, eo sustentāte, manere cœperunt, & vt prædicare postmodum possent. Sclauonicam linguam laboriosè discere studuerunt. Septimo verò anno, cum iam loquelam terræ plenè cognoscerent, vnum ad Romanam vrbem Monachum mittunt, & per eum à summæ Sedis Antistite prædicandi licentiam petunt. Iniungunt etiam, vt nuncius ille aliquos secum de B. Romualdi fratribus duceret, qui eremiticæ conuersationis edocti, cum eis simul in Sclauorum partibus habitarent.

Busclauus autem volens coronam sui Regni ex Romana auctoritate suscipere, prædictos venerabiles Viros obnixæ cœpit supplicatione deposcere, vt ipsi plurima eius dona Papæ deferrent, & coronam sibi à Sede Apostolica reportarent. Qui Regi petitioni assensum penitus denegantes, dixerunt: Nos in sacro ordine positi sumus tractare nobis sæcularia negocia minimè licet: & ita relinquentes Regem, ad cellā reuersi sunt. Quidam verò Regis agnoscetes consilium, sed quid sancti Viri responderint, ignorantes, copiosum auri pondus, quod mittendum Apostolico fuerat, secum eos detulisse ad cellulam opinati sunt, Deinde intra se conuentione pacta condicunt, vt noctu eremum latenter in-

gressi, & monachos interficerent, & pecuniam asportarent. Quos cum Beati Viri tentantes irrumpere persensissent, aduentus eorum causam protinus agnoscetes, Confessionem inter se facere, & sanctæ Crucis se cœpere vexillo munire. Erant autem ibi duo pueri eorum obsequio ex aula Regia deputati, qui prout vires dabant, stare pro Sanctis, & furibus resistere nisi sunt. Fures verò reperto tandem aditu irruentes, extractis gladiis, omnes pariter occiderunt. Tunc thesaurum anxie perquirentes, sed euerfis omnibus nihil inuenientes, vt tanti reatus crimen obtegerent, & humana suspicio non armis, sed flammis potius, quod factum fuerat, deputaret, cellam incendere, & ipsa conati sunt Martyrum cadauera conflagrare. Sed admoti ignes amissis naturæ viribus, nil omninò consumere vllis hominū studijs potuerunt. Ita enim eos ipsa etiam parietum materies repellebat, ac si pro lignis durissimi silices essent. Frustrati itaque fures in fugam se conferre nituntur, sed & hoc illis ex diuina prouidentia denegatur. Tota siquidem nocte per fruteta nemorū, per latitudinem saltuum, per opaca siluarum viam anxii sunt querere, quā tamen nullatenus valere errabundis vestigijs inuenire. Sed neque pugiones in vaginas recondere arfactis brachijs potuerunt. Vbi

verò

verò Sanctorum iacebant corpora copiosū
lumen vsque in diem splendescere, & dul-
cissima Angelicæ cantilenæ non desijt sua
uitas resonare.

Adueniente autem die, quod factū fue-
rat, Regem latere non potuit. Qui illicò ad
eremum cum numerosa populi multitudi-
ne festinauit, & ne fures euaderent facta
corona hominum totam siluam vndique
circumcinxit. Qui tandem reperti sunt ma-
nifesti criminis rei, & ad gladios suos adhuc
diuina ex ultione ligati. Rex autem quid
de eis faceret, habita consideratione deli-
berans, hoc postremò decreuit, vt nequa-
quam eos, sicut merebantur, occidi præci-
peret, sed ferreis catenis vinctos ad sepul-
chra Martyrum destinaret, quatenus aut
ibi vsque ad obitum in vinculis miserabi-
liter viuerent, aut si sanctis Martyribus ali-
ter videretur, ipsi eos sua misericordia li-
berarent. Qui cum ad Sanctorum tumultū
fuiſſent ex præcepto Regis attracti, mox
ineffabili diuinitatis omnipotentia fractis
sunt nexibus absoluti. Deinde facta super
corpora Sanctorum Basilica, innumerabi-
lia non solum tunc, sed & nunc ibi fiunt
ex diuina virtute prodigia.

*De Monacho per Angelum de carcere
liberato.*

C A P. XXIX.

Imperator autem Henricus Busclau
consilium non ignorans, vndique vias
custodiri præceperat, vt si Busclaus Ro-
mam nuncios mitteret, in eius illico ma-
nibus deuenirent. Monachus ergo, qui
nuper missus à sanctis Martyribus fuerat,
demon captus est, & mox carcerali custo-
diæ mancipatus. Nocte verò illum An-
gelus Domini in carcere visitauit, & con-
summatus esse eos, quorum legatione fun-
gebatur, admonuit: statimque aperto di-
uinitus carcere, præparatum sibi esse
nauigium in fluuio, quem transi-
turus erat, asseruit. Quo
festinans Monachus
Angelicæ pro-
missionis
Fidem
veram esse
proba-

De Monasterio sancti Adelberti constructo

& prophetia S. Romualdi aduersus

Regem prolata.

C. A. P. XXX.

DVm moraretur autem Romualdus adhuc in Pereo, Imperator Otto Monasterium ibi ad honorem S. Adelberti, eo suggerente, construxit, cui contigua Classensis cœnobij prædia contulit. & ea sibi ex Fiscali possessione in Firmensis Monarchiæ partibus recompensauit. Abbate ergo illic ex Romualdi discipulis constituto, & fratribus aggregatis, cœpit eos Romualdus sub magna tenere custodia, & doceba eos sub regulari viuere disciplina. Præcepit etiam Abbati, vt in eremum secedens, per totam hebdomadam in cella, consisteret: diebus verò Domiuicis fratres ad Monasterium veniens, visiteret. Qui sancti Viri iussa contemnens, cœpit sæculariter viuere, & pede operis semel exorbitante à rectitudinis tramite, iam longius declinare. Videns ergo Romualdus quod secundum suæ voluntatis ardorem ibi laborare non posset, Regem protinus adiit, & acceptæ promissionis exactor, vt Rex monachus fieret, insistere vehementius cepit.

cepit. At ille facturum se quidem, quod exigebatur, assertuit, si tamen prius Romā. quæ sibi rebellabat, impeteret: & ea deuicta, Rauennam cum victoria remearet. Cui Romualdus, si Remam inquit, ieris, Rauennam vltcrius non videbis: & apertissime illi mortem propinquam esse denunciāns, quia eum reuocare non potuit, proculdubio de eius certus interitu, dum Rex Romam properat, Romualdus nauim ascendens, ad Ciuitatem Parentium transfretat. Rex itaque secundum beati Viri prophetiam, vix à Roma reuerti incipiens, mox languore correptus, apud Paternum defunctus est.

*Vbi gratia perfectionis S. Romualdo
diuinitus est concessa.*

C A P. XXXI.

Romualdus autem tribus annis in Parentinæ ciuitatis finibus habitans, in vno Monasterium construxit, & Abbatem in eo cum fratribus ordinauit, in duobus verò inclusus mansit. Ibi nempe ad magnæ perfectionis cumulum pietas illum diuina prouexit, ita vt sancto afflatus Spiritu, & nonnulla ventura prospiceret, & multa veteris, ac noui Testamenti oc-

ti, occulta mysteria radijs intelligentiæ penetraret. Anxiabatur autem ibi aliquando in lachrymas erumpere, sed nullo valebat conamine ad contriti cordis compunctionem venire. Factum est ergo quadam die dum in cellula psalleret, ut in hunc psalmi versiculum incidisset: Intellectum tibi dabo, & instruam te in via hac, qua gradieris, firmabo super te oculos meos. Repente igitur tanta sibi lacrymarum effusio orta est, & ita mens eius ad intelligenda s diuinæ Scripturæ sententias illustrata: ut ex eodem die, & deinceps quamdiu vixit, & quodcumque voluisset, vberes sibi lacrymæ facillimè fluerent, & plurima illum Scripturarum mysteria non laterent. Frequenter enim tanta illum diuinitatis contemplatio rapiebat, ut quasi totus in lacrymas resolutus, æstuante inenarrabili diuini amoris ardore, clamaret: Chare Iesu chare, mel meum dulce, desiderium ineffabile, dulcedo Sanctorum, suauitas Angelorum, & cœtera huiusmodi, quæ ille sancto Spiritu dictante in iubilum proferebat; nos humano sensu exprimere talia non valemus. Sicut enim Apostolus dicit: Nos sicut oportet, orare nescimus. sed ipse Spiritus orat pro nobis gemitibus inenarrabilibus. Et ideo Romualdus Missam celebrare coram pluribus nunquam vole-

volebat, quia se à lacrymarum inundantia continere non poterat. Vnde etiam postmodum præ nimia iam consuetudine Vir simplicis animi putans gratiam sibi diuinitus prærogatam, omnibus esse concessam, dicebat plerumque discipulis: Cauete ne multas lacrymas effundatis, quia & visum minuunt, & verticem lædunt. Vbicumque autem Vir sanctus habitare disponderet, oratorium cum altari primitus intra cellulam faciens, deinde se recludens, aditum damnabat.

De prophetia S. Romualdi, quæ discipulorum prænunciauit aduentum.

C A P. XXXII.

Miserunt aliquando ad illum fratres, qui morabantur in solitudine, quæ Bifurcum dicitur, consiliū flagitantes, qualiter conuersari in eremo deberent, qualiter diabolicis impugnationibus resistere potuissent. Quorum nuncii cum ad Monasterium, à quo Romualdi cella longius aberat, peruenissent, illicò venerabilis Vir per spiritum eorum cognouit aduentum, præcepitque Abbati Ansoni, qui sibi tunc assistebat, dicens: Vade, & pulmentum fratribus

tribus præpara, qui de longinquis partibus aduenerunt: Qui continuo cœpit eum deridere, & dicere: Quia verè falsus Prophetæ esset. Posttemò tamē velut coactus ad Monasterium veniens; eos, quos Vir sanctus prædixerat, orantes iam in Ecclesia reperit. Quos videlicet Romualdus multò salutaris doctrinæ sale condiuit, multis denique contra antiqui hostis insidias virtutum armis iustruxit, & postquam eos de omnibus subtiliter docuit, cum multa eos ad eremum àlacritate remisit.

*De reditu eius à Parentio; & nautis
eius meritis de periculo
liberatis.*

C A P. XXXII.

ALio quoque tempore rursus prædicti fratres ad eum nuncios dirigunt, & de eadem re consilium maiori adhuc anxietate requirunt. Quibus Vir venerabilis ait: Ego nunc libellum de pugna demonum scribo, quem vobis, cum redieritis, dabo, vel certè ipse vobiscum forsitan venio. Hòc illi audientes, protinus in faciem se prosternunt, & vt cum illis ire dignaretur, importuna admodum supplicatione deposcunt. Altera verò die
itu-

iturum se cum eis incunctanter afferuit, & vt nauim inquirerent, iussit. Audiens hoc Parentinus Episcopus nimio mœrore percussus est. Inueniens quoque monachos propter nauigium discurrentes, multis cōtumeliarum eos dehonestauit iniuriis. Hoc etiam cunctis iuxta portum manentibus promulgauit edictum, vt quicumque Romualdo nauim dare præsumeret, ipse quoque vna cum ipso irreuocabili profectioe demigrans, Parentium vltorius non rediret. Festinè igitur nuncius ad Polensem Episcopum mittitur, vt beato Viro nauigium mittere non moretur. Sæpè namque præfatus Episcopus adhortatus illum fuerat, vt nequaquam de cetero in tam obscuro recessu inclusus lateret, sed illuc potius se conferret, vbi animarum lucrum co piofius facere potuisset, ne videlicet sicut carbo soli sibimet arderet, sed magis, vt re vera lucerna super candelabrum posita, omnibus, qui in domo Dei sunt, radios suæ lucis infunderet.

Dnm igitur nuncius, qui missus fuerat, expectaretur; Romualdus his, qui secum erant, fratribus ait: Noueritis proculdubio, quia frater ille tardiùs veniet, & in alia naui nos ire priùs quàm ille reuertatur, oportet. Adueniente autem sancto die Dominico, in ipso primæ lucis crepusculo dixit
 affi-

assistenti sibi cuidam fratri, nomine Ingelberto, qui postea Archiepiscopus in Gentibus factus est: Respice, inquit, procul in pelagus, & vide duas naues longinquis adhuc spatijs pari aduersum nos velocitate tendentes, quarum nos definite debet vna suscipere. Qui curiosius intendens, & expansis oculorum radijs sollicitè cuncta perlustrans, aliquod remigandi signum omnino videre non potuit. At cum dies iam, iamque claresceret, ecce extremò videt intuitu duas naues eminus aduentantes, & præ nimia adhuc longinquitate, quasi rotidem volucres apparētes. Quibus tandem subeuntibus portum, interrogati remiges, vtrum Romualdum cum suis in propria vellent naue suscipere, noua mox repleti lætitia, se & sua omnia in eius potestate constituunt, & beatos se fore tam pretiosæ margaritæ pondere profitentur. Illo itaque die minas aeris formidantes ire noluerunt. Romualdus autem exhortatus est eos, ut statim in spe diuinæ gratiæ iter inciperent, spondens eis, quia nullum omnino periculum sustinerent. Illi tamen tota die ibidem commorantes, nocte nauigare coeperunt.

Circa diluculum autem subito venti sauiunt, tempestas oritur, mare ab imo fundo versatur. Iam verò furentes vndique
pro-

procelle ipsos quoque remiges transuolāt ,
 & nauim hinc inde concutientes, totas pē-
 nē tabulas laxant . Videres itaque homi-
 nes, alios quidem se ad natandum exuere,
 alios verò diuersis se palustribus religare ;
 quosdam autem , vt supernatare fluctibus
 possent, remos, aut lignum aliquod stricū
 tenere . Cumque in tanto discrimine non
 iam dubiū, desperatis omnibus naufragiū
 immineret, illico Romualdus ad solita vi-
 delicet orationis arma cucurrit , &
 reclinato paululum capite , capite deuexo
 in gremium , preces sub silentio ad Domi-
 num fudit : deinde Ansoni Abbati, qui co-
 minus affidebat, securē præcepit , dicens :
 Denuncia nautis, vt nequaquam timeant,
 sed omnes se incolumes euasuros absque
 vlla penitus ambiguitate cognoscant . Vix
 modicum post hoc, & ecce vltra omnium
 spem absque vllō humano studio ipsa se
 nauis dirigit , & mox in portum Capreolæ
 ciuitatis delapsa, celeriter subintrauit. Tūc
 omnes liberatori Deo dignas referunt gra-
 tias, & manifestē se de faucibus mortis ere-
 ptos Romualdi meritis profitentur .

Ubi Romualdus deus eum ad se inuocauit, & ait, Romualde, tuus es meus.

Ubi Romualdus deus eum ad se inuocauit, & ait, Romualde, tuus es meus.

Ubi Romualdus deus eum ad se inuocauit, & ait, Romualde, tuus es meus.

Ubi Romualdus deus eum ad se inuocauit, & ait, Romualde, tuus es meus.

De Aduentu S. Romualdi in Bifurcum . . .

C. A. P. XXXIV.

Veniens itaque Romualdus Bifurcū, visis omnium fratrum cellis, quia, superstitione quadam ambitiosæ videbantur, in nulla earum habere hospitium voluit, nisi in illa solūmodo in qua Petrus venerabilis eius discipulus habitabat; Vir siquidem mirabilis abstinentiæ, multæque, admodum extremitatis, qui cellulam sibi ad S. Hilarionis exemplum vix vniquam, largiorem fieri quatuor cubitis permittebat. Referebat autem postea idem venerabilis vir, quia dum B. Romualdus cum ipso maneret, & psalmos vterque inter se vicariis versibus alternaret, tricies in nocte, vel eò amplius se Romualdus ad requisita nature ire simulabat, quoniam affluentium lacrymarum inundantiam, atque singultus cohibere non poterat. Cumque ibi Romualdus aliquandiu morareretur, & fratres non solum de spiritali certamine, verum etiam, vt sibi Abbatem præferrent. & communia cuncta facerent, admone- ret; illi, quia suum habebat vnusquisque, sustentatorem, & prout cuique libuerat proprii sequebatur arbitrij libertatem, Ro-
sig
E mual-

mualdi præcepta suscipere non magnopere curauerunt.

De aduentu eiusdem ad Vallem de

Castro, & multo animarum fru-

ctu per eum facto.

C. A. P. XXXV.

ROmualdus: ergo sterilitatis impatiens
anxia cepit auaritate perquirere, ubi
terram potuisset ad proferendos animarum
fructus idoneam inuenire. Misit itaque
nuncios ad Camerinæ prouinciæ Comites.
Qui audito nomine Romualdi, nimio re-
pleti gaudio, cuncta suæ virtutis offerunt
prædia, non modò siluarum, & montium,
sed si sibi etiam placeret agrorum. Postre-
mò repertus est in eorum possessione locus
eremiticæ conuersationis satis cōgruis,
montibus vndiquè vallatus, & siluis. In
medio verò ampla quædam planicies non
solum proferendis frugibus apta, sed per-
spicuis etiam fontium aquis irrigua. Hic
itaque locus vallis de Castro antiquitus vo-
cabatur, ubi iam parua erat Ecclesia in
qua conuersarum quarundam mulierum
videbatur esse conuentus. His itaque loco
cedentibus constructis cellulis illic habita-
re cum suis discipulis, vir venerabilis cœ-
pit

pit. Ibi autem quantos animarum fructus per illū Dominus acquisierit, quis valeat, vel atramento describere, vel lingua proferre? Cēpere namque homines ad penitentiam hinc inde confluere, sua pauperibus misericorditer erogare, alij sæculum, omninò relinquere, & ad sanctę conuersationis ordinem, spiritu feruido festinare. Erat enim Vir beatissimus quasi vnus de Seraphim, quia & ipse flamma diuini amoris incōparabiliter aestuebat, & alios quocumque pergeret, sanctę prædicationis facibus incendebat. Sæpē namque dum prædicationis verba proferret, tanta illum compunctio in lacrymas excitabat, vt subito interruptum sermonem relinquens, aliquorsum repentino impetu velut amens aufugeret. Nā & si quando cum fratribus equitabat, longe post alios veniens, semperque psallens nihilominus ac si in cellam resideret, iugiter lacrymas effundere non cessabat.

Inter ceteros autem præcipuē singulares Clericos, qui per pecuniā ordinati fuerant, durissima seueritate corripiebat, & eos nisi ordinē spontē desererēt omninò damnabiles, & hæreticos asseribat. Qui nouam rem audientes, occidere illum moliti sunt. Per totam namque illam Monarchiam, vsque ad Romualdi tempora, vul-

gata consuetudine, vix quisquam nouerat; Simoniacam hæresim esse peccatum. Qui dixit eis: Canonū mihi libros afferte; & vtrum vera sint, quæ dico, vestris attestantibus paginis comprobate. Quibus itaque diligenter inspectis, & crimen agnoscunt, & errata deplangunt. Constituit itaque Vir sanctus plures Canonicos, & Clericos qui laicorum more sæculariter habitabant, Prepositis obedire, & communiter in congregatione viuere docuit. Nonnulli quoque Episcopi, qui per Simoniacam hæresim sacras Sedes inuaserant, ad eam causa pœnitentiæ concurrebant, Qui etiam venerabili Viro se committentes, & Episcopatum termino statuto deferere, & ad sanctæ conuersationis se promittebant ordinē festinare. Ex quibus tamen Vir sanctus quamdiū vixit, nescio si vel vnum conuvertere potuit. Est enim venenata illa hæresis, præsertim in Episcopali ordine, tam dura, & ad conuertendum rigida, vt semper promittens, semper de die in diem produdens, atque in futurum procrastinans, facilius possit Iudæus, quam Christianus ad Fidē conuerti, quàm huiusmodi hæreticus, latro plenè lidens, ad pœnitentiā prouocari.

De fure , quem frangentem cellam

Gregorij per spiritum vidit . &

illesum dimisit .

C A P. XXXVI.

IN eisdem quoque partibus Vir sanctus Monasterium condidit puellarum. Solemni quadam die dum Vir venerabilis illic cum fratribus in capitulo resideret, & eos salutaris doctrinæ dapibus satiaret repente ipsum interrumpens sermonē, anxia quadam animaduersione exclamare cœpit, & dicere: Agite nunc, inquit, agite. & quantocyus properate, quia iam fratris Gregorij cellam fur frangit (hic autem Gregorius Archiepiscopus, in Gentibus postmodum consecratus est) qui protinùs exilientes ad cellam perniciousiter currunt, et furē iam parietes infringentem inveniunt. Quem capientes ad magistrum pertrahunt, et quid de tam sacrilego raptore faciendum esset inquirunt. Quibus Vir sanctus cœpit hilariter dicere: Et ego, fratres ignoro, quid de tam malo homine possimus facere. Eruimus sibi oculos? sed postea non videbit. Incidimus ei manum? sed amplius non laborabit, ac per hoc forsitan fame peribit. Si pedem truncamus, ambu-

lare non poterit . Sed intro cum minate,
& cibum illi prius apponite , vt quid de eo
faciendum sit , interim pertractemus . Et
ita Vir sanctus exultans in Domino , post-
quam cibari latronem fecit, deinde mode-
ste correptum, & dulcibus verbis admoni-
tum, redire ad propria in pace permisit .

*De Monasterio Vrbis veteris, quod
construxit .*

C A P . XXXVII.

Postremo dimissis in valle de Castro
nonnullis de suis discipulis, ad regio-
nem se Vrbis veteris contulit, & in posses-
sione Pharulphi Comitis Monasterium,
multis quidem suffragantibus, sed eo ma-
ximè expensas præbente, construxit . Tan-
tus namque in sancti Viri pectore faciendi
fructus, ardor incanduerat, vt effectis nū-
quam contentus, dum alia faceret, ad fa-
cienda mox alia properaret; adeo vt puta-
retur totum mundum in eremum velle
conuertere, & monachico ordini omnem
populi multitudinem sociare . Multos de-
nique illic de sæculo abstulit, quos per
plura sacra loca diuisit.

De filio Comitis. qui cecum post mortem illuminauit.

C. A. P. XXXVIII.

Nonnulli quoque nobilium filii, contemptis parentibus ad Virum beatissimum fugiebant. Ex quibus etiam filius Guidonis Comitis fuit, qui in ipsa pueritia non longo tempore postquam monachus factus est, ad mortem veniens, vidit duos iniquos spiritus, quasi nigerrimos vultures terribiles in se oculos infigentes. Cumque hoc assistenti sibi B. Romualdo puer ediceret, protinus addidit: Ecce Magister, tanti nunc Aethiopes intrant, ut iam totum ædificium repleant. Exhortatur autem, ut confiteretur quid deliquisset, hoc solummodo crimen felix ille peccator cum magno terrore confessus est, quia iussus fuerat à Priore, nescio quot scopas accipere, quas nec dum acceperat. Romualdo igitur sibi tanti facinoris veniam indulgente in pace defunctus est. Postera verò die cæcus quidam, prebendarius videlicet Patris eius, ad sepulchrum illius venit, & altiori voce clamauit: Nem Domine, inquit meus, si cum Deo es, sicut credo, preces pro me ad eum funde, & oculorum mihi

lumen restitue. Et hoc dicto statim illuminatus est. Nonnulli quoque aegroti ad eius tumulum venientes, redditi sunt sanitati. Nam & ipsum eius sepulchrum velut multis plenū aromatibus redolebat. Et ita à Deo meruit honorari post mortem, qui pro citis amore dum viueret, carnalium parentum spreuit hæreditatem.

*De tribus Monasterijs. quæ S. Romualdus
construxit, & de profectione
eius in Vngariam,*

C A P. XXXIX.

INterea Romualdus audiens, quia beatissimus vir Bonifacius martyrium suscepisset, nimio desiderij igne succensus, ut pro Christo sanguinem funderet, Vngariam mox ire disposuit. Interim tamen dum in ipsa intentione persisteret, breui tempore tria constituit Monasteria, vnum videlicet in valle de Castro, vbi nunc sanctissimum corpus eius est conditum, aliud prope Isinum fluvium, tertium iuxta oppidū condidit Esculanum. Deinde licentia ab Apostolica Sede suscepta, & duobus à suis discipulis in Archiepiscopos consecratis, cum viginti quatuor fratribus iter arripuit. Tantus enim ardor moriendi pro Chri-

Christo in omnibus æstuabat, quod Vir sanctus ad tale negotium cum paucis ire, difficile poterat. Eunt ergo cum iam ipsis Pannoniarum finibus interessent, repente Romualdus languore correptus, ulterius ire non potuit. Cumque diutius pateretur, si quando redire disponderet, protinus ex ægritudine conualescebat. Sin autem ire ultra tentaret, tota eius facies protinus intumescere, cibos quoque iam retinere stomacho languescente non poterat. Aduocatis, itaque fratribus ait. Perpendo, inquit, nequaquam diuinæ voluntatis, esse iudicium, ut ultra progrediar. Verumtamen quia intentionis vestræ desiderium, non ignoro, neminem vestrum redire compello. Multi nempe etiam ante nos totis nisibus studuerunt ad martirij culmen pertingere, sed quia diuina prouidentia aliter sensit, in suo gradu coacti sunt remanere. Licet ergo vobis omnibus martyrium defuturum esse non ambigo, qui tamen ire, qui mecum redire voluerint, vniuscuiusque relinquatur arbitrio. Quindecim igitur Vngariâ prodeuntibus duobus alibi iam dimissis, uix septem cum Magistro discipuli remanserunt. Euntium autem quidam flagellantur, venduntur, plures domino subeunt. ad martyrium tamen, sicut Vir sanctus prædixerat, non pertingunt.

Romualdus autem conuerso quodam, nobilissimo Viro, Adhelberonis videlicet Ducis consanguineo, qui postea monachus factus in sancta vsque ad mortem conuersatione, permansit, aliisque Teutonicis, ad Monasterium, quod in Urbis veteris regione construxerat, redijt. Notandum itaque est, quia sanctus Vir nequaquam velut leuitate vsus, falli inaniter potuit, qui secundum intentionem quidem suam, martyrium subiit, iuxta diuinum verò consilium pro salute eorum missus est, quos conuertit. In prædicto igitur Monasterio multa persecutionis scandala passus est. Volebat enim Abbatem, vt reuera manachum, extremitatē deligere, secularia ex desiderio non tractare, res Monasterii pro vana gloria non expendere, fratrum vsibus necessaria ministrare. Quæ omnia,

dum ille surda aure contemnit;

Romualdus locum cum suis

discipulis deserens, non

longè à Castro

prædij in vir-

tute Rai-

nerij,

qui postmodum Thuf-

cie Marchio fa-

ctus est, ha-

bitauit.

Hic autem Rainerius Coniugem suā occasione propinquitatis abiecerat, & consanguinei sui Vxorem, quem ipse se insequentem quodammodo inuitus occiderat, in coniugium copularat. Ob hoc itaque Romualdus, ne criminis eius particeps fieret, gratis manere in eius possessione noluit, sed vnum sibi aureum pro aqua, alterum verò pro lignis appendit. Quos cū ille omninò respueret, mallens videlicet sua dare, quàm à sancto Viro quidquam recipere, postremò tamen victus assensit, potius quàm Romualdus abiret. Dicebat autem idem Rainerius cum iam Monarchiā obtineret, quia non Imperator, non aliquis omninò mortalium tantum mihi metum valet incutere, quātum me Romualdi terret aspectus. Ante eius quippè vultum neque quid dicam scio, neque quibus me defendere valeam, vllas excusationes inuenio. Habebat reuera Vir sanctus hāc ex diuino munere grātiā, vt quicumque peccatores, præsertim potentes sæculi, in eius præsentiam deuenissent, mox velut ante maiestatem Dei tremefactis visceribus for.

formidarent Sanctus nimirum Spiritus, qui pectori eius habitator inerat hunc terrorem iniustis diuinitus intendebat.

De Abbate Classis, qui S. Romualdum

voluit strangulare.

C A P. XLI.

Illis verò temporibus Vir venerabilis vnum Monasterium non longè Massiliano castro construxit. Audiens autem aliquando, quia Venetus quidam Classensè Abbatiam per coemptionem Simoniacæ hereseos inuaserat, insuper quòque in corpus suum iniquè peccabat, illuc protinus ire miles Christi impiger studuit, diuersisq; modis ex eo Monasterium purgare tentauit. Vir autem reprobus dum Abbatiam metuit perdere, non timet homicidium perpetrare. Intempesta siquidem nocte, dum Romualdus in lectu secure quiesceret, ille cum latenter aggressus impijs cœpit digitis guttur eius astringere, nitens eum crudeliter suffocare. Sed dum vir sanctus nec dum prorsus intercepto spiramine, anhelitu vix eluctante, raucirer, Ingelbertus illico Magistri singultibus excitatus, torrem mox ex sopito igne corripuit, & ministrum diaboli ab incepto nefandissimi criminis exturbauit.

De

De ita, & reditu rursus à Parentio.

C. MA. P. XLII.

Post hæc Romualdus denuò Parentium nauigauit, sed Apostolicæ Sedis Antistes, & Romani ciues, ad eum redeundi legationem dirigunt. Quod si reuenteretur, facturos se omnia eius præcepta promittunt, sin autem, excommunicationis sententiam comminantur. Hoc itaque modo suum Romualdum alumina Italia recuperare promeruit.

De miraculo latronis in monte Petrano facto.

C. MA. P. XLVII.

EO itaque tempore in faucibus Callensium montium aliquandiu mansit, deinde in Petranum montem, non longe videlicet à Monasterio S. Vincentii, quod iuxta Candilani constitutum est fluuiũ, demigravit. Quocumque autem Vir sanctus ibat, semper fructificans, semper animarum lucrum magis, ac magis accumulans, & homines de sæculo abstrahens, velut totus in ignem conuersus. ad cæleste desiderium animos hominum accēdebat.

Voles

Item miraculum de alijs latronibus.

C A P. XLIV.

Rursus dum in eisdem partibus cellas construeret (erat autem sarcina procul ab eis sub quodam saxo reposita) tunc Vir venerabilis quemdam fratrem illuc quassum cum quodam impetu propulit, precipiens sibi, ut nimis anxie festinaret. Qui mox fures superuenientes, illos quidem iam rapere tentantes reperit, sed nihil adhuc ex his, quæ reposita fuerant, deesse cognouit. Quæ ex re recte colligitur, beatum Virum non sine diuinæ reuelationis instinctu fratrem cum tanta sollicitudine destinasse, ipso videlicet puncto, quo fures ad rem non custoditam contigit peruenisse.

Quare, & quomodo S. Romualdus eiectus est de Valle de Castro.

C A P. XLV.

Post hæc Romualdus ad Monasterium Vallis de Castro reuertitur, moxque Abbatem sic alios regere, ut semetipsum tamen nequaquam negligeret, exhortatur. Volebat insuper, ut cellulâ, quæ vfas fue-
rat

rat occasione regiminis, non omnino defereret, sed in ea sibi met spiritualiter viuēs, præcipuis tantum festiuitatibus fratres admonitionis gratia visiteret. Erat enim, beato Viro tam odiosa ista, quam cernimus, Abbatum conuersatio, vt non minus gauderet, si de manu cuiusque Abbatiam potuisset euellere, quam si daretur sibi potentissimum, quemlibet sæcularium ad sanctæ conuersationis ordinem conuocare. Sed sicut per Salomonem dicitur; Velut acetum in nitro, ita qui cantat carmina cordi peruerso; ille prædicatione venerabilis Viri de malo deterior factus, Comitissas loci dominas protinus adiit, & vt ligna, quibus Romualdi cellæ debebāt construi, minutatim incidi præciperent, sacrilega machinatione suggestit. Eo itaq; modo alta Paradisi cedrus de terrenorum hominum siluis ciecta est.

*De miraculo, quod fecit in Aqua bella,
curans Presbyterum.*

V. I. T. G. A.
C. A. P. XLVI.

INde verò progrediens non longè ab Apennino monte, in loco, qui dicitur Aqua bella, manere constituit. Illic sanè dum sæculares quidam cum discipulis eius ha-

habitationum tecta construerent, Romualdus autem, quia iam præ senectute laborare non poterat, & solus hospitium custodiret, Pæſbyter quidam intolerabilem dolorem in dentibus ſentiens, opus ædificii inuitus reliquit, & poſtulata à fratribus licentia, redire domum miſerabiliter eiufq̃, cœpit. Cumque per Romualdum tranſitum reuerſionis haberet, interrogatus cur abſcederet, mox caſum ſuæ paſſionis innōtuit. Huic Romualdus hianti locum, vbi patiebatur, digito tetigit, dicens. Ignitam, inquit, ſubulam, ne labrum lædat, in calammum mitte, & hic pone, ſic dolor auſugiet. Vix Pæſbyter vnius iugeris ſpatio ultra progreſſus eſt, & conſeſſum omni dolore depoſito, ad opus, quod reliquerat, ſanus, & incolumis repedauit, claris nimirū vocibus exclamans, & dicens: Gratias tibi agimus, omnipotens Deus, qui regionem noſtram ſplendore tanti ſideris illuſtrare dignatus es. Vere Angelus Dei, verè Propheta ſanctus, & lux magna occulta mundo finibus noſtris apparuit. Hæc, & alia multa in Dei laudem vociferans, vix à beati Viri diſcipulis tacere compulſus eſt. Nā ſi talia verba ad Romualdi aures qualibet occaſione pertingerent, grauiffima cor eius indignatione ferirent.

Item miraculum de Fago prope cel-
lam eius incisa.

C. A. P. XLVII.

ALio quoque tempore dum in quadā
 Eremito valdè speciosa, & egregia,
 cui nomen est Camaldulensis, quam ipse
 ædificauerat, in cella resideret, magnam
 aliquam sagum, quæ propè cellam eius
 astabat, incidi præcepit. Erat autem fagus
 ita cellæ acclinis, & imminens, ut iuxta
 humanam opinionem, si cecidisset, totum
 mox ædificium indubitanter obtrueret.
 Cumque operarii vellent iussa perficere,
 sed ruinam arboris formidarent; ille, ut
 nequaquam timeretur, instabat. Itaque
 cum impactis circumquaque securibus, in
 ipsa iam arboris viscera veniretur, arbor
 autem super beatum Virum non iam du-
 bio impetum minaretur, cœpere omnes
 rogare, & vocibus clamorosis vehementer
 insistere, ut si cellam postponeret, semet-
 ipsum exiens conseruaret. Ille autem ne-
 quaquam eorum clamoribus acquiescens,
 ut cœptum citò perficerent definite præ-
 cepit, facto signo Crucis contra eam. Po-
 stremò fagus grauissimo sonitu corruens
 ita aliorum est ex diuina virtute proiecta,

ut

vt cunctis mirantibus, cella omninò remaneret illèsa. Omnes igitur tanto obstupefacti miraculo, lætas ad cœlum voces tollunt, & immensas Deo gratias referunt.

*De ilice lapsa super rusticum, &
eum non ledente.*

C A P. XLVIII.

Sed quid nos de diuina circa venerabilem Virum custodia dicimus, cum & alios sæpè per eius præsentiam ex magnis creptos fuisse periculis, non ignoramus? Ex quibus videlicet vnũ hic memorare sufficiat, vt plures fuisse prudens lector agnoscat. Aliquando namque ipse cum operarijs manens nimix magnitudinis llicem, in monte Petrano faciebat incidi. Quæ videlicet arbor in prærupto montis decliuiò pendens, in ima vergebat. Rusticus autem quidam paulò inferius stabat. Cum igitur præcisa arbor grauiter corruens, per deuexum montis volueretur in præceps mox repertum rusticum repentino impetu cœpit ad inferiora rotare. Cuncti protinus dolentes exclamant, & iam non solum, esse hominem mortuum, sed totum quoque dilaceratum eius corpus existimant.

sed mira diuina virtus, ita mox sanus, & incolumis repertus est, ac si super eum non arbor, sed arboris folium cecidisset. Hinc iure perpenditur sancti Viri meritum, quantum apud Deum pondus habuerit, in cuius conspectu grauissima arboris moles pondus habere nesciuit.

*De contumelia, quam passus est à suis
discipulis in Syria.*

C A P. XLIX.

Postmodum verò Romualdus cum Appenninum desereret, montem Sytriae habiturus ascendit. Cauendum autē summopere est, ne quis cum audierit, quia Vir Sanctus tot loca mutauerit, pii operis pondus vitio leuitatis adscribat. Hæc namque mutationum eius causa proculdubio fuerat, quia ad venerabilem Virum, vbi-
cumque degeret, turba hominum pæne innumerabilis concurrebat: Ratio ergo poscebat, vt cum vnius loci spatium plenum habitatoribus cerneret illic Priore constituto, ad replendam mox aliud festinaret. In Sytria verò quot contumelias, quot scandala à suis discipulis passus sit, non est nostræ facultatis euoluere. Ex quibus videlicet vnum hic ponimus, cetera bre-

breuitatis studio præterimus. Habebat
 namque quemdam discipulum, Romanū
 nomine, qui nobilis quidē fuerat genere,
 sed omninò degener actione. Hunc itaque
 Vir sanctus cum pro suæ carnis immundi-
 tia non modò verbis argueret, sed sæpè
 etiam verberibus grauissimis coerceret,
 ausus est diabolicus vir titulum illi eiusdē
 reatus opponere, & impudenter cōtra sãcti
 Spiritus templū sacrilego ore latrare, dicēs
 videlicet, sãctū Virū vna secū ex eadē cō-
 tagione peccasse. Mox itaq; discipuli om-
 nes aduersus eū irat si, omnes infesti, alii cla-
 mant, senē impiū laqueo debere suspendi;
 alii dignū iudicant cū ipsa cellula ignibus
 concremari. Quod vtique valdē mirabile
 fuit, præsertim spirituales viros ex decrepi-
 to senē, & vltra quam centenariū, tam ne-
 farium scelus credere potuisse: cui etiam si
 voluntas adesset, natura tamen, & frigidus
 sanguis, & ariditas attenuati corporis hoc
 penitus denegaret. Sed credendum est pro-
 culdubio, ad augendum sancti Viri meri-
 tum, hoc sibi tam grauis aduersitatis calli-
 tus accidisse flagellum: Nam, & ipse asse-
 rebat, hoc in Eremito, vnde nuper absces-
 serat, veraciter agnouisse, & ad hoc deho-
 nestatis improprium subeundum alacri-
 ter aduenisse. Ille autem sarabaita repro-
 bus, qui sancto Viro crimen intenderat,

Episcopatum postmodum per Simoniacā
hæresim acquisiuit, & per biennium illum
occupans, in primo anno incensam ædem
cum libris, & tintinnabulis, ac ceteris sa-
cris ornamentis, exigentibus suis meritis,
vidit; in secundo autem dignitatem cum
vita diuina illum feriente sententia mise-
rabiler perdidit.


De diuina iussione ad S. Romualdum,

ut Missam celebraret & Psal-
mos exponeret.

C A P. I.

Imposuerunt itaque discipuli sancto Vi-
tro, quasi de commissio crimine pœni-
tentiam, & celebrandi sacra mysteria pœ-
nitentia abstinere licentiam. Quod ille præ-
iudicium libenter amplectens, & pœniten-
tiam velut reuera obnoxius criminis ob-
seruauit & ad sacrosanctum altare per sex
menses accedere non præsumpsit.
Tandem verò, sicut ipse postmodum eis-
dem suis discipulis retulit, diuinitus sibi
iussum est, vt si diuinam timeret gratiam
perdere, iam indiscretam simplicitatem
omniinò postponeret, & sacra Missarum
solemnia fiducialiter celebraret. Postera
igitur die sacrificare incipiens, cum ad se-
cunda

cunda Missæ secreta peruentum esset, in
 extasi raptus, tam longo temporis spatio
 filuit, vt omnes, qui aderant, mirarentur.
 Interrogatus autem postmodum, cur in
 offerendo Sacrificio tantas moras præter,
 solitum habuisset: respondit, Raptus, in-
 quit, in cælum oblatus sum ante Deum,
 & continuò mihi diuina voce præceptum
 est, vt secundum hunc intellectum, quem
 mihi Deus imminisit, Psalmos exponerem,
 & pro modulo mei sensus chartulis per
 ordinem commendarem. Ego autem
 nimio, & inenarrabili terrore constrictus,
 respondere nihil aliud potui, nisi tantum-
 modo fiat. Vnde postea Vir sanctus to-
 tum Psalterium, & nonnulla Prophe-
 tarum Cantica luculenter exposui
 fuit: & licet corrupta
 grammaticæ regulæ
 sanum tamen
 sensum
 ubi-
 que serua-
 uit.



De anima S: Romualdi , quæ delata
est ante Deum candida ve-
lut nix .

C A P . L I .

Interrogauerunt eum aliquando disci-
puli , dicentes : Magister , cuius esse
ætatis anima cernitur , vel in qua figura
adiudicium præsentatur ? Respondit : Scio
hominem in Christo , cuius anima delata
est ante Deum splendida velut nix huma-
na quidem effigie , statura verò perfectæ
ætatis . Inquisitus iterum , quis ille esset ,
indignans , & confundens eos , dicere no-
luit . Mox discipuli rem ad eum , vt

veraciter erat , inter se inui-
cem referunt , & ipsum
fuisse hominem certa

manifestatio-
ne cognos-
cunt .



De nimia districtione vite, quam in

Syttia tenuit.

Cap. A. P. L. II.

IN Syttia denique Vir venerabilis per septem ferè annos inclusus mansit, & silentium continuum inuiolabiliter tenuit. Verumtamen tacente lingua, & prædicante vita, vix vsquam tantum laborare aliquando potuit, vel in conuertendis hominibus, siue ad poenitentiam concurrentibus. Viuebat autem, vergente iam senectute, nimis districtæ, videlicet cum iam, & ipsi perfecti viri solent remissius viuere, & aliquid sibi de sui propositi rigore laxare. Nam per vnus Quadragesimæ spatium nihil aliud neque in cibo, neque in potu penitus habuit, nisi de modica farina, & paucis herbis sorbitiunculas faciens, ex ea ad imitationē Hilarionis vixit. Quinque verò hebdomadibus nihil aliud comedens, ad modicū se infusi ciceris astrinxit. Et ita Romualdus per alia multa viuendi genera, quid sua virtus posset, per hæc, & illa, se iugiter exercendo, tentabat. Studebat quippe discretus Christi miles ad nouum se certamen semper accingere, & cum iam cadere videretur, adhibita mox misc-

ricor.

ricordia, vacillans corpusculum releuare. Duo autem, vel etiam tria, quandoque habebat cilicia propter nascentem corporis importunitatem, quæ lauari nullatenus permittebat: sed ea potius ad imbrem proijciens, post triginta dies mutare consueuerat. Nouaculam autem nunquam in suum caput patiebatur ascendere, sed ipse sibi per raro solebat excrementa capillorum, & barbe forcipibus attondere: Si quando verò cum ex aliquo esculentiori cibo gustaret vitium titillaret, mox accuratè illum preparari precipiens, ori, & naribus apponebat, & solum captans odorem dicebat. Oculi, & oculi, quàm dulcis, quàm suavis modò tibi saperet iste cibus, sed vel tibi lex eo nunquam gustabis: & sic intactum ad cellarium remittebat.

*De miraculo, quo Gregorium infus-
flando sanauit.*

Sed quamquam vir sanctus tantam erigam se seruaret austeritatē, semper tamen hilarem vultum, semper serenam faciem ostendebat. Nam frater quidam, Gregorius nomine, grauiissimum capitis do-

dolorem se perpeti aliquando conquestus est. Qui cum ad beati Viri cellulam, vbi & alii fratres tunc erant, cum nimia lamentatione venisset, mox vt cum Vir venerabilis vidit, hunc dolorem nequaquam humorum inæqualitati, sed insidiis antiqui hostis indubitanter adscripsit: & mox quasi deridens eum, vt erat semper alacri vultu, per fenestram cellulæ sibi insufflauit in frontem, & vt ceteri omnes, qui aderant, similiter facerent, innuit. Hoc autem facto, ita sanatus est, vt nullum penitus sentiret in suo capite doloris remansisse vestigium. Arbitror quod idcirco Vir sanctus hoc facere voluit, quia per Spiritum sanctum, qui in eius pectore præsidebat, effugandum esse iniquissimum hostem doloris immissorem credidit. Ad

cuitandam verò propriam laudem,

& ludum finxit, & socios quæsi-

uit. Nam, & Redemptor

noster insufflasse le-

gitur, cum

Spiritum

san-

ctum Apostolis

dedisse per-

hibetur.

...

De infano quem osculo curauit.

C A P. LIV.

Vir quidam capitis patiebatur insaniam, ita vt sensu rationis amisso, vel quid ageret, vel quid diceret, funditus ignoraret. Huic Romualdus nihil aliud fecit, nisi solummodo osculum præbuit, & protinus illum ad incolumitatem pristinam reuocauit: & cum inquieto homine dum pacem fecit ad mētis eum suæ pacē reduxit. Referebat autem postmodū ille, qui curatus fuerat, dicens: Quia cum sacra beati Viri labia tangere merui, statim prodire ex ore eius quasi vehemētis auræ spiritum sensi, qui totam faciem meam, & ipsum denique sinciput perflans, omnem cerebri aestuantis ardorem protinus effugauit.

Item de Gregorio, quem de graui morbo aqua frigida liberauit .

C A P. LV.

ALio quoque tempore idem, qui supra, Gregorius, tam virosam, & marcidam tolerabat in cruribus scabiem, vt iam ex elephantiae morbo crederet tam grauem prodire tumorem. Huic Romualdus hoc praecipuum medicinae genus indicxit videlicet, vt crura per tres dies frigida aqua perfunderet, promittens, quia hoc modo sanitatem pristinam recuperaret. Quod tamen ille adimplere studuit, nimirum magis necessitate iussionis, quam recipiendae fiducia sospitatis. Mirum satis, & solum diuinae potentiae referendum. Confestim tibiæ tumor deponitur, Virus omne ficcatur, & penitus omni languore deposito, frater sanus per omnia redditur. Credi ergo rationabiliter potest, quia eodem Spiritu Romualdus discipulo, vt ter aquis tumentia crura perfunderet, iussit, quo Elisæus Naaman leprosum lauare septies in Iordane mandauit.

*De discipulo, quem Romam euntem
per spiritum cognoui, & de illo,
qui sibi derogans recluso-
rium fregit, O*

C A P. LVI.

Nonnulli tamen, carnales videlicet homines, cum malitiosè reprehendere, & eiusdem dicta, vel facta non timebant leuitatis, vitio deputare. Quidam namque eius discipulus in alia procul Ere-
mo morabatur, qui propinquorum necessitati aliquando condescendens, pro eorū vtilitate tandem velut inuitus Romam ire quadragesimali tempore acquieuit. Quod mox Vir sanctus per Spiritum recognoscens, velut indignans scripsit astanti cuidam fratri, quod videlicet ille bonus Vir pro huiusmodi negotio Romam ire præsumpsit. Ille autem admirans, vnde hoc Magister agnosceret, cum quo videlicet nemo aliunde veniens, colloquium habuisset, rem sollicitè perquisiuit, & ita esse sicut Vir venerabilis dixerat, comprobauit. Pergit ille ad alium suum condiscipulum videlicet Ingelbertum, qui inclusus manebat, & Magistrum hæc dixisse, & sine dubio prophetiæ Spiritum habere
pror-

prorsus affirmat. Ille autem detestans, & penitus denegans, fratrem corripuit, & quia hoc falsum esset, imprecationi se vinculis obligauit, dicens: Si ille, hoc per prophetiae Spiritum, & non magis per diabolum dixit, non me omnipotens Deus in hoc reclusorio perseuerare permittat. Dictum factumque est. Nam vix paucis diebus transactis, Ingelbertus, fracto reclusorio, sine Magistri licentia abiit, & cum in hac vita, sicut dicitur, nunquam ulterius vidit,

De Gaudenio, & Berardo, & monacho Janato.

C. A. P. LVII.

Alius frater Gaudentius nomine, Abbatis videlicet huius Monasterii S. Vincentij pater, cum magno feruore, conuersus, ardentiori postmodum spiritu in Dei est seruitio conuersatus. Hic aliquando a B. Romualdo licentiam petiit, quia vellet cuncta iam pulmenta dimittere, & pane cum aqua contentus, pomis quoque, siue crudis oleribus victitare. Hoc igitur impetrato, cum in eodem proposito infatigabiliter permaneret, Tedaldus quidam alius frater infirmitati illius indiscretè conpatiens, adire Magistrum studuit: & quia fra-

frater ille tam graue pondus portare non posset, & hanc eius obstinationem frangi omninò debere, suggessit. Romualdus autem, vtpotè Vir simplicis animi, Tedaldi verbis assensum dedit, et Gaudenii talis vitæ licentiam abstulit. Ille verò grauius ferens, nequaquam amplius cum Tedaldo in Eremo, in qua eos Romualdus posuerat, passus est habitare: sed Ingelberto, qui à Romualdo disunctus fuerat, se subdidit, et ab eo consensum prædictæ cōuersationis accepit. Hic itaque Gaudentius nō multo post tempore defunctus est, et in cemeterio B. Vincentii iuxta corpus Berardi venerabilis Viri, qui equè Romualdi discipulus fuerat, est sepultus: Romualdus autem quia ille in præuaricatione inobedientiæ vitam finierat, orationē pro eo fieri penitus interdixit. Aliquanto autem post tempore monachus quidam prædicti Cœnobij dum matutinam synaxim cum reliquis fratribus celebraret, repente tā aerem dolorē sentire in dētibus cœpit, vt iā in choro ad psallendum stare omninò non posset. Qui pròtinus exiens, super sepulchrum se Berardi. atque Gaudentii lamentando iactauit, et medelam sibi per eos prouenire sperans, medium se inter vtrumque constituit; dumque ibi aliquandiu iacens oraret, mox eum som-

nus

nus oppressit. Illicò sanè videt Berardum sacerdotalibus ornamentis splendissime decoratum, tenentem in manibus librum aureis litteris scriptum, ante altare scilicet stantem, & Missarum solemniam celebrantem. At cernit Gaudéntium incoerentem, tristem, demisso vultu, post tergum Berardi procul assistere, & velut excommunicatum sacris appropinquare mysteriis non audere. Qui mox locutus est ei, dicens: Vides, inquit frater, illum Berardi librum mirabiliter deauratum? Ego quoque talè per omnia nunc haberem, nisi illum mihi, heu, heu; Tedaldus monachus abstulisset. Statimque frater euigilans, sanus, & incolumis, fugato omni dolore surrexit. Deinde lætus visionem suam fratribus per ordinem retulit. Quod Romualdus audiens, illico præcepit fratribus, vt iam Guadentio fraternam charitatem impenderent, atque pro eo enixius orarent. Vnde non sine ratione colligitur, quòd ille, qui priuatus societate Romualdi, librum, quem meruerat, perdidit, iam eius gratiæ restitutus, & orationibus subleuatus, eundem librum, recuperare meruit, & quem Tedaldus non nisi per Romualdum abstulerat, iam Romualdus orando pro illo cum omnibus simul fratribus reddat.

*De discipulo in lecto S. Romualdi à demonibus
verberato.*

C A P. LVIII.

ALiquando Vir venerabilis cuiusdam
causa necessitatis in viam ire dispo-
nens, vni discipulorum cellam commisit,
& vsque ad suum reditum in ea illum ma-
nere præcepit. Ille verò temerarius, dum
debiti honoris reuerentiam Magistro non
seruat, audacter in eius stratu iacere non
dubitavit. Ecce autem in ipsa nocte maligni
spiritus super eum immaniter irruunt, gra-
uissimis eum verberibus atterunt, & proie-
ctum de lecto pænè seminecem derelin-
quunt. Merito namque tam superbos sue
offensionis ultores pertulit, qui in talem
virum postposita humilitate peccauit, &
dum pio Magistro non exhibuit reueren-
tiam, ex duris, & impijs sensit manibus di-
sciplinam. Similiter quoque postmodum
venerabilis Vir iter acturus; alium in eadē
cella discipulum dereliquit. Cui cum di-
scipulus diceret. Magister, ego in lecto
tuo non iaceo, quia quod alij contigit, mi-
hi etiam consequenter euenire formido.
Ille respondit: Fili mi, iace, & dormi secu-
rus;


rus; ille enim in eo recubans, idcirco in manus inimicorum incidit, quia paruitatis meæ licentiam non accepit, tu autem accepto consensu, in Deo spem pone, & sine pa- uore quiesce. Qui videlicet in eo, sicut ius- sus fuerat iacuit, & nullius omnino casum ad uersitatis incurrit.

De muliere in amentiam uersa, & S. Romualdi benedictione sanata.

C A P. LIX.

S Accularis quidam vir, Arduinus nomi- ne, Romualdo se; ad suscipiendum, sanctæ conuersationis habitū tradidit. dein- de domum, ut sua quæque disponderet, re- meauit. Cumque cum vxor sua venien- tem uidisset, scemineo nimirum furore suc- censa, exclamauit aduersus eum, dicens; Sic bone vir, ab hæretico illo, & antiquo seductore nunc venis, & me miseram, & destitutam omni humano solatio derelin- quis? & hoc dicto, protinus in amentiam vertitur, & ita furere, & conuassari cœpit, ac si patenter à dæmonio vexaretur. Ha- bebat autem Vir sanctus huiusmodi con- suetudinem, ut si quando fratres in viam dirigeret, benedictionem illis siue panem,

siue pomum, seu quodcumque aliud daret. Vnde discipuli, vt experti multoties fuerant, certum tenebant, quod si ex benedictione Magistri cuilibet ægroto porrigeret, ad salutem illum incolumem reuocarent. Nam & ex aqua, vnde manus eius abluébantur, plures languidi sæpe restituti sunt sanitati. Quod tamen cautissime oportebat fieri, ne si Vir sanctus hoc aliquatenus deprehenderet, in grauisssimam tristitiam deueniret, cum igitur diu iam fœmina miserabiliter vexaretur, quidam fratres, qui aderant, de benedictione panis, quam à Magistro susceperant, ei particulam tradiderunt. Deinde cum hoc mulier cõmedisset, mox mente sedata ab omni redidit insanix furore liberrima. Quæ protinus omnipotenti Deo, & Romualdo famulo eius recuperatæ sanitatis gratias retulit, & Viro suo conuersionis licentiam vltèrius non negauit.



De demoniaco ab eo curato .

C A P. LX.

ALio quoque tempore puer quidam demoniacus ad beatum Virum delatus est . Cui ille nihil aliud fecit , nisi pro benedictione sibi panis particulam tradidit Qua mox puer ille refectus , confestim est à dæmonio liberatus . Iure quippe postquā benedictio Romualdi male possessum corpus intrauit , inde confestim malignus spiritus cautheriatus exiuit .

*De diabolo, qui S. Romualdo mortem minatus,
cellæ parietem fregit .*

C A P. LXI.

NUnquam tamen diabolus à sancti viri poterat impugnatione quiescere , Et quia occulta iam aduersus eum fraude nil poterat , non cessabat virus suæ malitiæ visibiliter demonstrare . Aliquando namque Vir venerabilis dum in cella consisteret , ecce malignus spiritus , vt est reuera terribissimus , hispidus , horribilis , immensū cepit sancto Viro terrorem incutere , & cum nimio furoris impetu mortem sibi mini-

tans intentare. Cumque Romualdus auxilium de cælo impeterritus quæreretur, & vt sibi Christus succurreret, fiducialiter exclamaret, mox antiquus hostis aufugiens, ipsum cellæ parietem tanto iracundię felle percussit, quod grauē fagi tabulam vnus cubiti spatio, velleo amplius fidit. Inhabituaculo igitur patenter ostendit, quanta aduersus habitatorem flamma crudelitatis exarsit, & quodammodo scriptum reliquit in pariete, quod occultum gerebat in mente.

Item de diabolo, qui exterrens equum, S. Romualdum mergere voluit.

C. A. P. LXII.

ALiquando etiam dum venerabilis Vir cum suis discipulis equitaret; ecce malignus spiritus rubei canis effigiem simulans cum magno impetu obuiam irruit & equum, cui infidebat; ita vt pæne Vir sanctus mergeretur, exterruit. Interrogati discipuli si eum vidissent; exhorrescentem quidem equum conspexisse se asserunt, sed nil tale eis apparuisse testantur. Ille verò ait: Miser ille: qui olim præclarus Angelus fuisse cognoscitur, nunc se in immundi speciei canis ostendere non veretur.

Item

I. em de diabolo, qui orta inter discipulos S. Romualdi discordia, vegetem percutiebat.

C A P. LXIII.

Rursus alio tempore cum Monasteriū Ancillarum Dei, quod est in Vallebona, construere decreuisset, discordia mox inter S. Viri discipulos oritur, quia videlicet alij nolunt, alii vero, vt fieret, vehementer insistant. Cumq; ante venerabilem Virum utræque dissidentium partes diuersa, vtentes allegatione contenderent, cœpit diabolus ante portellam cellę quasi malleo vegetem sine celsatione percutere, & per reboantem siluam crebris audiebatur tusionum ictibus intonare. Deinde cum iam omnes vnani miter Monasterium fieri concordassent, ecce malignus spiritus, cunctis audientibus, vlulare, plorare, & flebiles non cessabat voces emittere. Postremo autem, cum iam diuisi ad suum quisque reuerteretur hospitium, prosequiebatur eos antiquus hostis cum tanta tempestate, & turbine, vt quasi omnia ventorum genera commouens, totam siluam radicitus euellere putaretur. Quidam verò fratrum increpans eum dixit: Præcipio tibi in nomi-

ne sanctæ Trinitatis, immunde spiritus, vt desinas venire post nos. Et ita fugatus est. Iure quippe auctor discordiæ, cōposita pace, cōpulsus est in fletum prorumpere, qui prius audiebatur crescente rixa gaudere; & qui tunc quasi circulum vacui vasis abstrahere, & partes, quibus compactum fuerat, dissipare tentauit constrictis iam in vinculo pacis, & charitatis compage discipulis, tristis abscescit.

De districta vita, que tunc in Sytria ducebatur.

C A P. LXIV.

T Aliter autem in Sytria viuebatur, ac ex similitudine non solum nominis, sed etiam operis, altera denuo Nittia videretur, omnes siquidem nudis pedibus incedentes, omnes inculti, pallidi, & nimia omnium rerū extremitate contenti. Nonnulli vero damnatis ianuis clausi, ita mortui videbantur mundo, velut in sepulchro iam positi, Vinum ibi nemo nouerat, nec si etiam grauisimam quis quis ægritudinē pateretur. Sed cur ego de monachis loquor, cum & ipsi monachorum famuli, ipsi quoque custodes pecorum ieiunarent, silen-

lentium tenerent, disciplinas inter se inuicem facerent, & de quibuslibet verbis penitentiam flagitarent? O aureum Romualdi sæculum, quod, etsi tormenta persecutorum non nouerat, spontaneo tamen martirio non carebat! aureum, inquam, sæculum, quod inter montium, & siluarum feras tot cælestis Hierusalem ciues aiebat. Cum vero ibi fratres iam tanti essent, ut omnes illic habitare vix possent, tunc Romualdus, Monasterio ibi constructo, & vrbate præposito, inuiolatum seruans silentium, Bisurcum secessit ad habitandum, Illic etiam volens Abbatem spiritualiter viuere, & rectitudinis vitam tenere, multā ab eo passus est persecutionis iniuriam.

De prophetia S. Romualdi, & colloquia eius cum Henrico Rege.

C A P. LXV.

INterea Imperator Henricus de ultra, montanis partibus in Italiam veniens, misit beato Viro deprecatoriam legationem, ut ad eum venire dignaretur, promittens se facturum quæcumque præciperet, si suum ei colloquium non negaret. Cūque venerabilis Vir prorsus abnueret silentium frangere ceperunt omnes discipuli

vnanimiter illum obsecrare, dicentes : Magister vides, quia nos, qui te sequimur, tanti iam sumus, quod hic congruenter habitare non possumus; vade ergo, si placet, & imperatori magnum aliquod Monasteriū quere, & multitudinem te sequentium ibi cunctitue. Quibus Vir sanctus. nescio, si accepta iam reuelatione, aut subita Dei inspiratione fidenter scripsit : Scitote, quia Montis Amiati Monasteriū ex dono Regis habebitis; considerate tantummodo, quem illic Abbatem constituere debeatis. Igitur inuiolato silentio perrexit ad Regē. Cui Rex protinus assurgens ex magno cordis affectu in hanc vocem erupit, dicens : O vtinam anima mea esset in corpore tuo. Quem mox, vt loqueretur, suppliciter obsecrans, ipso die hoc impetrare non potuit.

Postera autem die, Romualdo ad palatium veniente, ecce Teutonicorū multitudo certatim hinc inde concurrunt, capita salutantes humiliter flectunt, villos quoque pellicæ vestis, qua erat indutus, anxie decerpentes, pro sacris reliquiis in patriam portaturi. Studiosè recondunt. Quæ, videlicet res venerabilem Virum tanto mœrore deiecit, vt nisi discipulis obstantibus acquiesceret, ad cellam protinus repedaret. Ingressus igitur ad Regem non pauca sibi locu-

locutus de restituendo iure Ecclesiarum;
de violētia pōtentū de oppressione paupe-
rum. & post multa, vnum sibi pro suis dis-
cipulis Monasterium petijt. Cui postmodū
Rex Montis Amiati Monasterium tradi-
dit, & Abbatem, quia multis erat malis
obnoxius, foras eiecit. Vbi Vir sanctus
quanta aduersa perpeffus sit, non solum
ab eo, qui eiectus fuerat, sed etiam ab illo,
quem ipse ex suis discipulis Abbatem cō-
stituerat, ille quidem perferre patientissi-
mē potuit, nos referre, etiam si adestet fa-
cundia, non valemus. Sed qualiter illum
Deus in cunctis adiuerit, vno exemplo
monstrare sufficiat, vt prudenter cuilibet,
quid etiam in reliquis euenerit, innotes-
cat.

*De monacho, quem diabolus strangu-
larc cœpit, sed S. Romualdus
eripuit.*

C A P. LXVI.

MOnachus quidam vesano aduersus
eum furorē succensus, pilum laten-
ter exacuit, & cum reponens, vt beatum
Virum interficeret expectare congrui oc-
casionem temporis cœpit. Noctē verò
dum depressus sopore quiesceret, ecce vi-
det

det malignum spiritum in se immaniter
 irruentem, qui retortam in collum eius
 mittens, tanta ferocitate conabatur gut-
 tur eius astringere, vt iam ille cogere-
 tur funditus expirare. Tunc monachus in ex-
 tremo iam spiritu positus Romualdum,
 vt sibi succurreret, obsecrauit. Qui, vt mo-
 nacho videbatur, protinus aduolans, de
 manibus eum iniqui hostiseripuit. Hic igitur
 mox exprobratus, ad pedes venerabilis
 Viris prostratus aduoluitur, vt allisionem
 cervicis aspiciat. deprecatur: confiteri etiã
 crimen suæ malitiæ non veretur. Postremo
 conseruatæ vitæ sibi gratias retulit, & poe-
 nitentiam tanti reatus accepit. Et ita qui
 Romualdo vitam insidiatur eripere, iam
 per eundem sanctissimum Virum,
 & suam meruit conseruare, &
 cui inferre mortem studuit,
 per eum suæ pericu-
 lum, mortis
 euasit.

IVVS A A O

De
 De
 De

*De S. Romualdo qui circumclusus
aquis, cibum sibi deferendum
celitus agnouit.*

C A P. LXVII.

H Abebat autem Sanctus consuetudinem, cum Monasterium teneret, ut nisi cum ieiunaret, ad communem mensam fratribus quotidie veniens, vnum quidem pulmentum comederet, postmodum verò lectioni, vel quid etiam apud vnumquemque ageretur, intentus, de reliquis nō gustaret. Quadragesimali vero tempore, nisi necessitate inenitabili cogeretur, in cellula iugiter morabatur: dum igitur prædictum Cœnobium Vir beatissimus regeret quadragesimali iam propinquante ieiunio, querebat cum discipulis per vicina montium loca, vbi Eremum facere potuisset. Dumq. longas in quærendo moras protraherent, repēte aquis vndiq. circūfluentibus ita conclusit, ut nec ipsi iam redire, nec de Monasterio quisquam ad eos posset aliquatenus transuadare. Viuebant autem ex aliquantis castaneis, quas secum detulerant. Cumque dies Dominicus aduenisset, & alia cibi spes nulla iam superesset, cœperunt fratres pauculas, quæ remanserant, casta-

stancas deglouce, & iam quodammodo dubitantes vltimum ex eis conuiuium præparere. Romualdus autem, vt erat semper alacri vultu, fidenter ait, quia nisi Deus sibi panem per aliquem mitteret, ipso die nulatenus manducaret. Discipuli vero mirantes inter se, in qua spe hoc ille præsumeret certi tamen, quia Magister incaute aliquid vouere non posset, cibum iam tantæ solemnitati congruum ceperunt fiducialiter expectare. Sexta igitur diei hora iam propinquante, ecce tres viri onusti panibus, & vino, & aliis cibis adueniunt, qui se de longinquis partibus cum multo labore peruenisse dicunt. Tunc itaque spiritali omnes repleti gaudio, benedicentes Deum, pariter cibum sumunt, & beatum Virum per reuelationem hoc cælitus agnouisse, indubitanter agnoscunt.


De pisce, qui inuentus est in arenæ riuo meritis

S. Romualdi.

C A P. LXVIII.

QUODAM tempore, venit Vir venerabilis Sytriam. Qui cum adhuc ieiunus esset, & fratres vtpote in arduis montibus piscem, quem ei ad comedendum apponerent, non haberent, coeperunt

runt inter se quodammodò confusi erubescere, & quid pro tam venerabili hospite acquirere potuissent, anxie cogitare. Tunc frater quidam, puto, diuinitus inspiratus, ad siccum pæneriuum, qui iuxta præterfluebat, cum festinatione cucurrit: vbi nimirum & aquæ exiguum erat, piscis verò illic visus numquam penitus fuerat. Cœpit itaque frater Deum deuote deprecari; vt qui Israelitico populo aquam potuit ex arida petra producere, ipse sibi dignaretur piscem in arenti riulo demonstrare, Confestim igitur, missa manu in exigua aqua, piscem reperit, qui beato Viro ad refectiorem abundanter sufficere potuit. Deo scilicet seruo suo prouidente conuiuium, inuentum est in saxoso, & arido monte, velut in piscosa valle, viuarium. Sed quia de vita beati Viri hæc, quæ nimirum pauca de multis dicta sunt, sufficere credimus, iam ad transitum veniamus.



De transitu S. Romualdi.

C A P. L X I X.

V Ir denique sanctus per multa alia
habitauit loca, multa alia præcipue
à suis discipulis perpessus est mala, plura
quoque per eum sunt facta miracula, quæ
nos describere ideo prætermittimus, quia
longioris styli prolixitatem vitamus. Post
cuncta igitur habitationum suarum loca,
cum iam finem suum imminere conspice-
ret, tandem ad monasterium, quod in val-
le de Castro construxerat, rediit, ibique
propinquantem obitum indubitanter ex-
pectans, cellam sibi cum Oratorio ædifica-
ri, in qua recluderetur, & silentium vsque
ad mortem seruaret, instituit. Sane vigin-
ti annis ante finem vitæ suæ, discipulis suis
manifestè prædixerat, quia in prædicto mo-
nasterio opotteret eum quiesceret, nullo-
que astante, vel funeri exequias dependen-
te, expediret eum spiritum exhalare. Fa-
cto itaque reclusorio, cum mens eius in eo
esset, vt mox includi deberet, coepit cor-
pus eius magis, magisque molestiis ingra-
uescere, & deorsum iam velut non tam
languore, quam decrepiti longevitate se-
nii declinare. Nam à medio ferè anno ni-
mia

mia sibi flegmatis abundantia cum ipso lesi pulmonis marcor defluerat, & grauium tussis anhelatione vexabat. Non tamen propter hoc Vir sanctus, vel lecto decumbere, vel in quantum possibile erat, soliti rigorem ieiunii acquieuerat relaxare. Quadam igitur die coepit paulatim corporis virtute destitui, & ingruente molestia, grauius fatigari. Sole itaque iam ad occasum vergente, præcepit duobus fratribus, qui astabant, vt foras exirent, cellulae post se ianuam clauderent: celebraturi vero sibi matutinos hymnos ad eum diluculo remearent. Cumque illi de eius fine solliciti velut inuiti exirent, non statim ad quiescendum properant, sed ne Magistrum, obire contingeret, anxii, pretiosi thesauri talentum prope cellulam latentes obseruant. Aliquandiu igitur commorantes, cum deinceps curiosis auribus attentius auscultarent, & neque motum corporis, neque sonum vocis audirent, iam quod euenerat, veraciter opinantes, impulsa ianua velociter irruunt, lumen accendunt: & beata anima in caelum rapta, supinum iacere sanctum cadauer inueniunt. Iacebat itaque velut neglecta tunc, caelestis margarita, in summi postmodum Regis ærarium honorifice reponenda. Nimirum qui sic obiit vt prædixit, illuc transiit, quo sperauit.


Vixit autem Vir beatissimus centum viginti annis, ex quibus viginti expendit in saeculo, tres duxit in monasterio, nonaginta septem in eremitico transegit proposito. Nunc igitur inter vinos caelestis Hierusalē lapides ineffabiliter rutilat, cum ignitis beatorum Spirituum turnis exultat, candidissima stola immortalitatis induitur, & ab ipso Rege Regum vibrante in perpetuum, diademate coronatur.

*De demoniaco per particulam cilicij eius
sanato.*

C A P. L X X.

Post sacratissimum autem Viri Venerabilis obitum, quanta miraculorum signa per eum Deus ostenderit, quis quæret transacta legere, cum frequenter valeat, & noua videre? Quia igitur ea, quæ apud sepulchrum eius fiunt, miracula tanta sunt, vt melius putemus cuncta silentio præterire, quam pauca narrare; duo solummodo, quæ per eundem beatissimum Confessorem alibi facta sunt, sufficiat nobis exponere. Denique frater quidam, qui sancti Viri discipulus fuerat, paruanı basilicam pro anima sua Monasterio dederat, ad quā videlicet basilicam extremitatem manicæ præ-

præseissam ex beati Viri Cilicio misit, &
 sub altari honorifice recondi præcepit,
 Quam tamen gerulus sub altari, sicut ius-
 sus fuerat, collocare neglexit, sed missam
 in rima parietis incaute dereliquit. Fa-
 ctum est postea, vt dæmoniacus quidam
 ad prædictam duceretur Ecclesiam. Cum-
 que astans in medio huc, illucque rotans
 caput, eundem undique circumspiceret, tan-
 dem toruos oculos in ipsum parietem ter-
 ribiliter coepit infigere, & intentus illuc,
 sancti Cilicii iacebat particula, crebris non
 cessabat vocibus exclamare. Ille me eiicit,
 ille me eiicit, & ita clamans, protinus ab
 eo expulsus est. Hinc ergo iure perpendi-
 tur, quid per semetipsum apud diuinam
 clementiam impetrare non possit, an-
 te cuius breuissimam vestimenti
 particulam demonstrare non
 potuit; & qui talia ab-
 sens exhibet, quid
 per corporis
 præsen-
 tiam non exer-
 cet.



*De villico, qui vaccam rapuit, & statim
extinctus est.*

C. A. P. LXXI.

ALio quoque tempore Castaldius qui-
dam paupercale mulieri vaccam vio-
lenter abstulit, & eam vociferantem, mul-
tisque precibus obsecrantem, audire con-
tempnit. Illa protinus accurrens, duos gal-
linarum pullos ad Ecclesiam, quam supra
memorauimus, detulit, & eos secum ante
altare proniciens, huiusmodi verbis clama-
re flebiliter coepit. Hem S. Roinualde,
exaudi miseram, ne despicias desolatam,
& redde mihi gubernatricem meam iniu-
ste sublatam, mira res, vix adhuc Villicus
cum ipsa rapina a domo mulieris ab-
ierat, & continuo emissionē sa-
gittæ percussus, vaccam in,
eodem loco dimisit,
deinde domum,
pertueniens,
protinus
expira-
uit.

De corpore S. Romualdi sano post quinquennium inuento

C A P. LXXII.

Post quinquennium vero à sancti Viri obitu, data Monachis ab Apostolica Sede licentia, vt supra venerabile corpus eius altare construerent. Azo quidam frater siluam petiit, quatenus modicam capsam faceret, quæ sancti Confessoris ossa, & puluerem tantummodo capere potuisset. Nocte igitur insecuta, dormienti cuidam fratri, venerabilis quidam Senex apparuit, quem protinus interrogans, ait: Vbi est huius Monasterii Prior? quod cum ille se scire negaret, illico senex addidit: Pro fabricanda, inquit, capsula ire in siluam studuit, sed beati Viri corpus in tam exiguum vasculum non intrabit. Postera igitur die Prior, cōposita capsula, reuertitur, & mox à fratre, qui visionem viderat, quæ illum in causa ad siluam inuitasset, inquiritur. Quod cum ille velut labore defessus dicere noluiisset, illico frater, & sui causam itineris retulit, & quod ipse viderat, exponēdo per ordinem, nō celauit. Defosso igitur tumulo, ita propemodum totum sancti Viri corpus sanum, illibatumque reperiunt,

riunt, velut tunc fuerat, cum sepulturæ illud primitus tradiderunt excepto quod tenuis quædam mucoris lanugo in quibusdam eius membris excreuisse videbatur. Reiecta igitur modica capsula, quæ facta fuerat, illico vas aptum ad mensuram beati corporis præparant, & in eo sanctarum reliquiarum patrocinia recondentes, desuper altare solemmniter consecrant. Obijt autem Vir beatissimus Romualdus decimo tertio Kalendarum Iuliarum Regnante Domino nostro Iesu Christo, qui cum Patre, & Spiritu sancto vivit, & gloriatur per infinita sæcula sæculorum. Amen.



*Quædam alia, quæ ad vitam
S. Romualdi spectant, ab eo-
dem D. Petro Damiani spar-
sim descripta,*

S. Romualdi modestia, atque prudentia.

Ex Tom. 1. lib. 6. epist. 26. pag. 288. A

Beatus aliquando Romualdus rediens à Sybillæ Comitissæ colloquio, comitanti fertur callidè dixisse discipulo: quam elegantis, ait, & venusti vultus femina, nisi, proh dolor, vnius oculi dispendio laboraret? cui discipulus, absit, Magister, inquit, sicut decora certe facies, ita quoque oculi, prout sagaciter deprehendi, nihilominus incolumes vigent. Quem Magister acerri-
ma protinus animaduersione corripuens, & quis te, inquit, in faciem faminarum respi-
cere docuit? tunc ille circumuentum se esse respiciens, poenitentia ductus, erubuit: & de cætero cautiorem se fore, obstinatissima pollicitatione denouit.

*S. Romualdi consilium, ut sobrietatem
seruemus, & hypocrisim
fugiamus.*

Ex ead. Epist. pag. 290. E

Nec ineptus applies, quod sæpè suis discipulis Vir Domini Romualdus aiebat: fratres, inquit, cum in quorumlibet conuentu reficitis, intentis ad cibum ceteris, in ipso refectionis initio parcite: & cum iam illis ex parte satisfactum fuerit, vos inchoatè quatenus & hypocrisis notam possitis euadere, & sobrietatis regulam sine offensione seruare.

*Ordo persoluendi Psalterium pro vitiis
à S. Romualdo institutus.*

Ex Tom. 3. Opusc. 15. cap. 19. pag. 151. F.

Psalterium, quod est vitiorum, cum illis dicitur additamentis, quæ Beatus Romualdus apponit, quæ etiam nos non grauemur inferere; ne nos conqueratur fortè nouitius, quæ sibi magnopere noscenda sunt, præterisse. Decursis planè quinque psalmis, protinus subinfertur: Gloria tibi Trinitas, æqualis vna Deitas, & ante omne

secu-

sæculum, & nunc, & in perpetuum. Orato
 pro nobis omnes Sancti Dei, vt digni effici-
 amur promissionibus Domini Dei nostri
 Iesu Christi. Pater noster. His expletis,
 mox subditur: Adiutorium nostrum in
 nomine Domini, (qui fecit cælum, & ter-
 ram. Et euolutis alijs quinque psalmis,
 tunc dicitur: Te Deum Patrem ingenitū,
 te Filium vnigenitum, te Spiritum sanctum
 Paraclum, sanctam, & indiuiduam Tri-
 nitatem, toto corde, & ore confitemur,
 laudamus, atque benedicimus tibi gloria
 in sæcula, Amen. Domine Deus in adiu-
 torium meum intende, Domine ad adiu-
 uandum me festina. Confundantur, &
 reuereantur inimici mei, qui quærant ani-
 mam meam. Adiutor meus, & liberator
 meus esto, Domine ne tardaueris. Gloria
 Patri, & Filio, & Spiritui sancto. Quo fini-
 to rursus dicitur: Adiutorium nostrum in
 nomine Domini. Hæc igitur per quin-
 quenos psalmos alternatim semper addun-
 tur, donec psalterium cum tribus Domi-
 nicalibus, necnon & totius hebdomadæ
 Canticis expleatur. His etiam non negle-
 ctis, quæ in fine Psalterij videntur adiecta,
 videlicet, Te Deum laudamus; Nunc di-
 mittis Domine seruum tuum, duobus sym-
 bolis; Gloria in excelsis Deo; Pater noster,
 cum Fide catholica; postremo litanie cum

orationibus hæc omnia confucto fine con-
cludunt.

S. Romualdi discipline discretio.

Ex eod. Opusc. cap. 16. pag. 254. C.

Nos approbamus, quod suis sæpè disci-
pulis beatus Romualdus dixisse perhibetur:
dummodo, inquit, frater quilibet cellam
non deserat, etiam carnes permittatur ex
discretionē comedere, si tam ineuitabilis
videatur necessitas imminere. Addebat
insuper. Tale enim propemodum est de
Eremo ad Mōnasterium reuerti, quale de
monasteriali ordine ad sæculum asportari.
Vnde necesse est, vt quicumque Eremiti-
cæ præest fraternitati, robur cuiusque dili-
genter examinet, & iuxta virium faculta-
tem necessaria subministret.

Paulo inferius. D.

Nam & idem beatus Romualdus, vt sui
confueuerunt referre discipuli, sic æstiuū
tēporis hebdomadas alternabat: vt vnā
quidem à Dominica in Dominicam in pa-
ne, & aqua ieiunando transigeret; alterius
verò hebdomadæ pulmentum quinta feriā
manducaret.

F I N I S.



I N D E X

C A P I T V M.

Causa conuersionis S. Romualdi, cap. 1.
pag. 5.

Ipsa conuersio, & quia corpus Beati Apollinaris
sine dubio in Classensi monasterio iaceat, cap. 2.
pag. 7.

Quomodo Monaci correpti Romualdum de sala-
rio præcipitare voluerunt. c. 3. p. 10.

Quomodo S. Romualdus se ad Eremum conta-
lit. c. 4. p. 11.

Quam Petrus Vrseolus est primo Dux factus, &
postmodum sit conuersus. c. 5. p. 13.

Qualiter S. Romualdus vno anno de pugillo cice-
ris per diem, & tribus annis de sua agricultu-
ra vixit. c. 6. p. 16.

De diuersa pugna diaboli, quam sustinuit. cap. 7.
pag. 17.

Vnum genus vitæ S. Romualdi, & de penitentia
Petri Dacis, & prophetia eius. cap. 8. p. 18.

Aliud viuendi genus S. Romualdi. c. 9. p. 19.

De Gomite, qui vaccam rapuit, & eam comeden-
do, necatus est. c. 10. p. 22.

De Olibano conuersione promittente. c. 11. p. 23.

De Sergio ad seculum reuerii volente. c. 12. p. 24.

De prudentia S. Romualdi, & labore itineris, &
disciplina in Patrem. c. 13. p. 25.

Quo.

I N D E X

*Quomodo Sergius vidit Spiritū Sanctum. cap. 14.
pag. 57.*

*De cruce Ioannis propter inobedientiam fracto.
cap. 15. p. 28.*

*De S. Romualdo à demonibus percusso. cap. 16.
pag. 30.*

*De iniquis spiritibus, qui sibi velut diæ volucres
apparebant. c. 17. p. 32.*

*De Monachis S. Romualdum verberantibus, & di-
uina ira percussis. c. 18. p. 33.*

*De Iussione Sancti Apollinaris ad S. Romualdum
cap. 19. p. 36.*

De habitatione eius in Origario. c. 20. p. 36.

*De cella incensa, & per orationem extincta. c. 21.
pag. 37.*

*De Rege hospite S. Romualdi, & quia Abbatiam
suscepit. c. 22. p. 38.*

*De Abbazia amissa. & pace inter Regem, & Ti-
burtes facta. c. 23. p. 39.*

De sancto Venerio. c. 24. p. 40.

De Tamo, & Religione Rege Ottonis. c. 25. p. 43.

*Quod S. Romualdus apud Casinum egrotauit,
deinde ad Pereum venit. c. 26. p. 45.*

De S. Bonifacio Martyre. c. 27. p. 46.

*De S. Ioanne, & Benedictio Martyribus. cap. 28.
pag. 52.*

*De Monacho per Angelum de carcere liberato.
cap. 29. p. 56.*

*De monasterio sancti Adelberti constructo, & pro-
phetia S. Romualdi aduersus Regem prolata
cap. 30. p. 57.*

ubi

I N D E X

Vbi gratia perfectionis S. Romualdi diuinitus est concessa. c. 31. p. 58.

*De prophetia S. Romualdi, qua discipulorum præ-
nunciant aduentum. c. 32. p. 60.*

*De reditu eius à Parentio, & nautis eius meritis
de periculo liberatis. c. 33. p. 61.*

De aduentu S. Romualdi in Bifurcum. c. 34. p. 65.

*De aduentu eiusdem ad Vallem de Castro, & mul-
to animarum fructu per eum facto. cap. 35. p. 66.*

*De fure, quem frangentem cellam Gregorij per
spiritum vidit, & illæsum dimisit. c. 36. p. 68.*

*De Monasterio Urbis veteris, quod construxit. cap.
37. p. 76.*

*De filio Comitum, qui cæcum post mortem illumina-
uit. c. 38. p. 71.*

*De tribus Monasterijs, quæ S. Romualdus construxit,
& de professione eius in Vngariam. c. 39. p. 72.*

De Rainerio Marchione, c. 40. p. 75.

*De Abbate Classis, qui S. Romualdum voluit
strangulare. c. 41. p. 76.*

De itu, & reditu rursus à Parentio. c. 42. p. 77.

*De miraculo latronis in monte Petrano facto.
cap. 43. p. 77.*

Item miraculum de alijs latronibus. c. 44. p. 79.

*Quare, & quomodo S. Romualdus eiectus est de
Valle de Castro. c. 45. p. 79.*

*De miraculo, quod fecit in Aqua bella, curans
Presbyterum. c. 46. p. 80.*

*Item miraculum de Fago prope cellam eius inci-
sa. c. 47. p. 82.*

I N D E X

De lapsa super rusticum, & eum non ledent.
 1er. ap.48.p.83.

De contumelia quam passus est à suis discipulis in
 Sytria. c.49. p.84.

De diuina iussione ad S. Romualdum, ut Missam
 celebraret, & Psalmos exponeret. c.50. p.86.

De anima S. Romualdi, qua delata est ante Deum
 candida velut nix. c.51. p.88.

De nimia districtione vitæ, quam in Sytria tenuit.
 cap.52. p.89.

De miraculo, quo Gregorium insufflando sanauit.
 cap.53. p.90.

De infano quem osculo curauit. cap.54. p.92.

Item de Gregorio, quem de graui morbo aqua fri-
 gida liberauit. c.55. p.93.

De discipulo. quem Romam euntem per spiritum
 cognouit, & de illo, qui sibi derogans recluso-
 rium fregit. cap.56. p.94.

De Gaudentio, & Berardo, & monacho sanato.
 cap.57 pag.95.

De discipulo in lecto S. Romualdi à demonibus
 verberato. c.58.p.98.

De muliere in amentiam versa, & S. Romualdi
 benedictione sanata. c.59.p.99.

De demoniaco ab eo curato. cap.60.p.101.

De diabolo, qui S. Romualdo mortem minatur,
 cella parietem fregit. cap.61.p.101.

Item de diabolo, qui exterrens equum, S. Romual-
 dum mergere voluit. c.62.p.102.

Item de diabolo, qui orta inter discipulos S. Romual-
 di

I N D E X.

- di discordia, vegetem percutiebat. c. 63. p. 103.*
De districta vita, quæ tunc in Syria ducebatur.
cap. 64. pag. 104.
De prophetia S. Romualdi, & colloquio eius cum
Henrico Rege. cap. 65. p. 105.
De monacho, quem diabolus strangulare cœpit,
sed S. Romualdus eripuit. c. 66. p. 107.
De S. Romualdo qui circumclusus aquis, cibum
sibi deferendum calitus agnouit. c. 67. p. 209.
De pisce, qui inuentus est in aroni riuo meritis
S. Romualdi. c. 68. p. 110.
De transitu S. Romualdi. cap. 69. p. 113.
De damoniaco per particulam cilicij eius sanato.
cap. 70. pag. 114.
De villico, qui vaccam rapuit, & statim extin-
ctus est. cap. 71. p. 116.
De corpore S. Romualdi sano post quinquennium
inuento. cap. 72. p. 117.
Quedam alia, quæ ad vitam S. Patris Romualdi
spectant ab eodem Dino Petro Damiani sparsim
descripta. p. 119.
S. Romualdi modestia, atque prudentia. p. 119.
S. Romualdi consilium, ut sobrietatem seruemus.
& hypocrisim fugiamus. p. 120.
Ordo persoluendi Psalterium pro uiuis à S. Ro-
mualdo institutus. p. 120.
S. Romualdi discipline discretio. p. 122.

1. *De rebus* p. 101.
 2. *De rebus* p. 102.
 3. *De rebus* p. 103.
 4. *De rebus* p. 104.
 5. *De rebus* p. 105.
 6. *De rebus* p. 106.
 7. *De rebus* p. 107.
 8. *De rebus* p. 108.
 9. *De rebus* p. 109.
 10. *De rebus* p. 110.
 11. *De rebus* p. 111.
 12. *De rebus* p. 112.
 13. *De rebus* p. 113.
 14. *De rebus* p. 114.
 15. *De rebus* p. 115.
 16. *De rebus* p. 116.
 17. *De rebus* p. 117.
 18. *De rebus* p. 118.
 19. *De rebus* p. 119.
 20. *De rebus* p. 120.
 21. *De rebus* p. 121.
 22. *De rebus* p. 122.
 23. *De rebus* p. 123.
 24. *De rebus* p. 124.
 25. *De rebus* p. 125.
 26. *De rebus* p. 126.
 27. *De rebus* p. 127.
 28. *De rebus* p. 128.
 29. *De rebus* p. 129.
 30. *De rebus* p. 130.
 31. *De rebus* p. 131.
 32. *De rebus* p. 132.
 33. *De rebus* p. 133.
 34. *De rebus* p. 134.
 35. *De rebus* p. 135.
 36. *De rebus* p. 136.
 37. *De rebus* p. 137.
 38. *De rebus* p. 138.
 39. *De rebus* p. 139.
 40. *De rebus* p. 140.
 41. *De rebus* p. 141.
 42. *De rebus* p. 142.
 43. *De rebus* p. 143.
 44. *De rebus* p. 144.
 45. *De rebus* p. 145.
 46. *De rebus* p. 146.
 47. *De rebus* p. 147.
 48. *De rebus* p. 148.
 49. *De rebus* p. 149.
 50. *De rebus* p. 150.
 51. *De rebus* p. 151.
 52. *De rebus* p. 152.
 53. *De rebus* p. 153.
 54. *De rebus* p. 154.
 55. *De rebus* p. 155.
 56. *De rebus* p. 156.
 57. *De rebus* p. 157.
 58. *De rebus* p. 158.
 59. *De rebus* p. 159.
 60. *De rebus* p. 160.
 61. *De rebus* p. 161.
 62. *De rebus* p. 162.
 63. *De rebus* p. 163.
 64. *De rebus* p. 164.
 65. *De rebus* p. 165.
 66. *De rebus* p. 166.
 67. *De rebus* p. 167.
 68. *De rebus* p. 168.
 69. *De rebus* p. 169.
 70. *De rebus* p. 170.
 71. *De rebus* p. 171.
 72. *De rebus* p. 172.
 73. *De rebus* p. 173.
 74. *De rebus* p. 174.
 75. *De rebus* p. 175.
 76. *De rebus* p. 176.
 77. *De rebus* p. 177.
 78. *De rebus* p. 178.
 79. *De rebus* p. 179.
 80. *De rebus* p. 180.
 81. *De rebus* p. 181.
 82. *De rebus* p. 182.
 83. *De rebus* p. 183.
 84. *De rebus* p. 184.
 85. *De rebus* p. 185.
 86. *De rebus* p. 186.
 87. *De rebus* p. 187.
 88. *De rebus* p. 188.
 89. *De rebus* p. 189.
 90. *De rebus* p. 190.
 91. *De rebus* p. 191.
 92. *De rebus* p. 192.
 93. *De rebus* p. 193.
 94. *De rebus* p. 194.
 95. *De rebus* p. 195.
 96. *De rebus* p. 196.
 97. *De rebus* p. 197.
 98. *De rebus* p. 198.
 99. *De rebus* p. 199.
 100. *De rebus* p. 200.



